



عہارۃ
ساکن قصادی

الكاتب: محمد حسين الجداوي

رقم الإيداع: 23843 / 2018

ISBN: 978-977-798-002-9

الطبعة الأولى يناير 2019

عمارة
ساكن قصادي

دار الحلم للنشر والتوزيع والترجمة ©

عضو اتحاد الناشرين المصريين

القاهرة - جمهورية مصر العربية



E-mail: dar_el7elm@hotmail.com

info.darel7elm@gmail.com

Tel: 00242216335 - Mob: 00201141824562

Sales Manager Mob :00201146644959

جميع الحقوق محفوظة للناشر ©

إن دار الحلم للنشر والتوزيع غير مسؤولة عن آراء المؤلف وأفكاره، وتعتبر الآراء الواردة في هذا الكتاب عن آراء المؤلف، ولا تعبر بالضرورة عن آراء الدار، كما أن جميع حقوق الطبع والنشر محفوظة للدار ولا يجوز طبع أو إعادة استخدام أي جزء من العمل في أي صورة كانت إلا بموجب موافقه خطية من الناشر..



9 789777 980029

عمارة ساكن قصادي

حوارات افتراضية ساخرة

محمد حسين الجدل اوي



إهداء

إلى أمي وأبي بستان الحياة
وأخواتي وأصدقائي ورفقاء رحلة الكفاح
وإهداء خاص لزوجتي زينب وبناتي زينة وكلمات والي جاين في
المستقبل

إهداء إلى تركيبة جيل الثمانينات وأنت طالع طالع طالع.. انزل بقى

محمد حنين الجداوي



دعاء افتتاحي

اللهم ارزقنا #مُخ عبد الغفور البرُعي .. و#جدعنة حسن آرابيسك ..
و#ثروة الكبير قوي .. و#شغل بيومي فؤاد



طوابق العهارة

- 11.....صاحب العهارة.. الهعلم إبراهيم سردينة
- 12.....عائلة ساكن قصادي.. عائلة راجل و6 سنوات
- 18.....سلاهة فراويلة.. مختار ليل
- 23.....أبو العلا البشري.. الكبير قوي
- 27.....حسن أرابيسك.. منصور عتمان الهغازي
- 32.....عبد الغفور البرعي.. بهجت أبو الخير
- 38.....عائلة ونيس أبو الفضل.. عائلة سابع جار
- 43.....الحاج متولي.. الحاج فواز
- 49.....رفيع بيه العزايزي.. حبيشة
- 53.....فاطمة تغلبة.. الحاجة نصرمة

- 57.....حديث الصباح والساء.. ربا وسكينة
- 61.....عم عوض.. حهادة عزو
- 66.....أبلة فضيلة.. أساهة هنير
- 71.....سهير صبري.. عهرو أديب
- 75.....محوود بكر.. هدحت شلبي
- 81.....رأفت الهجان.. ناجي عطا الله
- 86.....علوان أبو البكري.. الأنسطورة
- 91.....السيرة الهلالية.. السيرة الأنصارية
- 95.....الرجل المستحيل أدهم صبري.. الهفتش كرومبو
- 99.....ساهية الإتربي.. إسعاد يونس
- 103.....هفيد فوزي.. سيد أبو حفيظة
- 108.....حسن حسني.. بيوهي فؤاد
- 114.....نيلاي وشيريهان.. نيلاي وشيريهان

119..... إبراهيم نصر.. رامز جلال

123..... طهطم.. فاهيتا

127..... جدو شكشك.. عم شكشك

132..... عهرو دياب.. الهضبة



في البداية هناك جيل كبير تربي أمام شاشة صغيرة.. واستوعب
واستقبل وتعلم وعلم..

ومع مرور الزمن ظلت ذاكرته ووجدانه مرتبطين بشخصيات
درامية وتلفزيونية شهيرة جسدت حلاوة الماضي وتفاصيل
الحاضر وروح المستقبل..

فلو أنت من الجيل بتاع الثمانينات والتسعينيات والألفينيات
وأنت طالع، افتح الكتاب من أول صفحة المعلم سردينة..
وأي تطابق أو توارد في الأفكار أو الشخصيات ليس من قبيل
الصدفة..

بل هو حب فيمن مروا بحياتنا بغير صدفة.

الكاتب



صاحب العمارة..

المعلم إبراهيم سردينة

أتى المعلم إبراهيم سردينة إلى إحدى مناطق مصر الجديدة لشراء عقار جديد، وبالفعل وجد ما كان يبحث عنه، مبنى كبير مكون من 25 طابقاً، وبه 5 محلات، ووروف.

بعد مرور سنوات على العيش داخل العمارة تعلّق سردينة بتفاصيل السكان وحواديتهم اليومية، وكان كل يوم يقعد فيه قدام عمارته بالشيشة بتاعته، يلقي حكاية جديدة مع الناس.

استبيننا بصوت المعلم سردينة



عائلة ساكن قصادي..

عائلة راجل و6 ستات

-سيد الأخضر فرقع صاروخ-

في الدور الأرضي من عمارة الحاج إبراهيم سردينه وأولاده، يسكن المعلم سيد الأخضر وزوجته أنيسة وابنه حسن، وفي الشقة المجاورة له يسكن جاره القديم كمال بيه الحمرأوي وسلوى هانم وابتتيهما ليلي، وفي الشقة المقابلة لهما يسكن "دولا" أو عادل سعيد و6 ستات. ذات يوم حدث زلزال بالعمارة، وبعد صراخ وجري من عائلة دولا، اكتشفوا قبل خروجهم من باب العمارة أن المعلم سيد الأخضر اشترى صاروخ لعبة وبيجربه، فما كان أمام زوجته أنيسة إلا أن تتقدم بالاعتذار لأسرة عادل جارهم، ووجهت إليهم دعوة لتناول الشاي معًا.

المعلم سيد الأخضر: "إحنا مستأسفين ع الي حصل يا أستاذ

عادل".

عادل سعيد: "يعني أنا مش عارف أقول لك إيه يا معلم أخضر، دا أنت رعبتنا يا راجل".

رانيا: "دا بقى يا عادل اللي بيسموه الشخص السيكوباتي الأنوي النادر في الأيدلوجية".

رمزي: "ولا يهملك يا عم سيد، دا حتى الزلزال كان جميل، ينفع آخذ منك صاروخ أجره".

دولا: "بس يا ض يا رمزي هتودينا في داهية".

ماها عادل: "أنا مش قادرة أستوعب ازاي واحد في سنك يا معلم سيد بيلعب بالصواريخ".

أنيسة: "إيش ياخذ الريح من البلاط، حكم، ماها أمك يا باش مهندز إحنا بنعمل كدا من زلزال 92".

المعلم سيد الأخضر: "إنتِ عارفة يا ست أم عادل أنا لو ملعبتش بالصواريخ دي بييجي لي استكتاب".

رمزي: "إحنا نشرب حاجة بقى بمناسبة الكلمتين دول.. أجبب الحاجة الساقعة ساقعة ولا سخنة؟".

سلوى الصراوي: "أنت عارف يا أستاذ عادل إحنا بنستورد صواريخ
بكام كل سنة؟".

دولا: "عارف يا سلوى هانم.. وطبعًا هي مشكلة كبيرة بقت وباء في
المجتمع".

رمزي: "فعلاً إذا عُرف السبب كتر العدد يا دولا يا حبيبي".

سنا أخت عادل: "الصواريخ دي بقت من أكثر الحاجات اللي
بتطّفش العرسان".

ليلي الصراوي: "الأهم من دا إن حسن ميزعلش من اللي حصل".

هدام سلوى: "أوه موندوه".

دولا: "تفتكر إيه الحل يا أستاذ كمال لمشكلة زي دي؟".

كمال الصراوي: "إحنا لازم نوجه تحذير لكافة المسؤولين عن دخول
المفرقات دي البلد.. ونوقفها فوراً".

سيد الأخضر: "بيقول لك مفرعات لا مؤاخذة يا كمال بيه دي
حاجة مُسلية خالص وربنا".

رمزي: "لا عاش ولا مات اللي يضايقك يا معلم سيد، اللي اتكسر يتجسس ودولا ممكن يحاسب ع الجبس".

أنيسة: "وأنت ازاي عايش مع حماتك وأمك وأختك ومراتك وبتتك وأخت مراتك وأنت؟! دي عصابة يا بابا".

دولا: "دا فيه عنتر ابني كمان.. ما أنا راجل ومعايا 6 ستات.. أعمل إيه لازم عشان نكمل الأجزاء يا معلم سيد، أكل العيش بقى".

سيد الأخضر: "دي حاجة نايلو دراما خالص.. أنا لو مكانك أروح أعيش في أكاندة".

رمزي: "أكاندة علوش يا دولا يا حبيبي، هي سكنت معانا في العمارة هنا؟".

دولا: "يا ابني اخرس خالص، يلا انزل روح بازار مسرح مصر عشان الناس عايزة صواريخ للأفراح والماتشات والأعياد والمناسبات ولف بسرعة ع المحلات".

مدام سلوى: "نو جاميه".

رمزي: "فعلاً المية تكذب العطشان.. والرجولة بتاعتك مبتطرقعش عليك".

سيد الأخضر: "طب العملية واحد أهو.. أنا عايز علبة صواريخ وكيس شهايرخ وشوية بمب".

هدام سلوي: "لأ دا كتير قوي".

حياة عادل: "إحنا لازم نغلف الصواريخ دي في علبة أوريجينال ونوزعها عن طريق تطبيق أوليكس.. هنعقق ربحيات كتير خالص".

والدة عادل: "طبعاً رانيا حبيبتى هتجيب لي هدية في عيد الأم قبل مامتها".

حياة عادل: "أبسولتلي، إنت مش عارف إنك كدا بتلخبطي في اللخبطات وبتعكي في الهزارات".

رمزي: "كدا دخلت نفسك في سين وجين يا دولا.. ودي مرات أبوك يعني في مقام والدك".

دولا: "ما علينا، حاضر يا ماما.. حاضر يا حماتي.. ماشي يا رانيا.. دي فرصة كويسة قوي يا معلم سيد وأنا سعيد بجيرتك".

سيد الأخضر: "يلا بقى عشان نعمل زيطة وزمبليطة في مدخل
العمارة".

رمزي: "أنا الفار بيلعب في ودني.. وعلى فكرة يا سناء أنا بقى أبويا
كان تاجر كبريت قد الدنيا".

هدام سلوى: "لا دي حاجة لا يمكن تحصل أبداً.. شوف أبوك يا
حسن.. وأنت يا أستاذ عادل مش طريقة دي.. احترم الجيرة شوية".

رمزي: "شكلها هتولع يا دولا.. وفعلاً أنا وأخويا على الغريب.. وأنا
وأنتم والغريب على ابن عمي دولا".



سلامة فراويلة..

مختار ليل

-صفقة القرن-

قرر مختار ليل أن يذهب إلى جاره الحاج سلامة فراويلة ليعرض عليه صفقة القرن، ولم يتوان للحظة أن يخطط ويتكتم لضربة العمر من وجهة نظره، وبالفعل خبط على باب شقة الحاج سلامة فراويلة، وعندما فتح له المعلم سلامة فراويلة الباب وجد مختار رجل الأعمال السُحت بيه جالساً بمدخل المنزل، ودخان سيجاره الفاخر يعبأ المكان.

الحاج فراويلة: "أهلاً بيك يا مختار، اتفضل ادخل".

مختار ليل: "إذا كان كدا ماشي.. أنت عندك ضيوف!".

فراويلة: "دا السحت بيه، صديقي ورجل أعمال".

مختار ليل: "أهلا بيك يا سحت بيه.. ويا ترى إيه نوع البيزنس بتاعك؟".

السحت: "بشتغل في "الشائعات" أنتجها أسوقها وأصدرها".

مختار: "على كدا بقى دي شغلانة بتكسب دهب".

فراوية: "أومال يا مختار بيه، دا إحنا بناكل منها الشهد، والناس الدموع، هههه".

مختار: "دا إحنا على كدا بقى هنعمل شغل سوا".

السحت: "إيدي على كتفك يا مختار بيه.. الشائعات بتحب الخفية".

مختار: "أنا بس هيبقى عندي مشكلة صغيرة، ازاي هقنع ماما وأخواتي إن أبويا الله يرحمه كان شريك في الصفقة دي".

فراوية: "ابعد أنت بس عن عمك عباس الضو وابنه يوسف وهي الدنيا هتمشي عناب".

السحت: "اسمحو لي أنا لي رأي في الجزئية دي.. لو ضربنا إشاعة تهز العمارة عباس الضو هيتصدر لها.. وإحنا نكون بنخلص شغلنا في حنة تانية".

مختار: "إذا كان كدا ماشي.. شايف التكتكة يا عم فراويلة".

مختار: "معلش هعمل تليفون يا رجالة".

مختار: "آلو، ازيك يا سعد يا أخويا، معايا صفقة حلاوة.. وبدور على راجل واحد ينقل معايا البضاعة".

سعد: "أنا معايا أشرف أخوك على فكرة.. صفقة إيه بقي؟".

مختار: "إحنا هننقل شائعات وهنقبض قصادها فلوس ياما.. وأبوك كان شريك في الصفقة دي".

سعد: "واجبي وضميري وتربيتي يمنعوا مشاركتي في الصفقة دي.. ازاي أبويا اللي كان بيعج كل سنة يعمل كدا".

الظابط أشرف: "أنا لا يمكن أوافق على المهزلة دي.. دا بيتعارض مع شغلي ومبادئي كمان".

مختار: "يا عبطا الصفقة دي مش حرام.. الناس بتحب تسمع وتنقل شائعات كثير.. ودورنا إننا نخليها إدمان وساعتها هنمسك ملايين.. خلاص سلام دلوقت نتكلم بعدين".

السحت: "ها عملت إيه يا مختار بيه، الصفقة لازم تتصدر لسكان العمارة خلال أسبوع".

مختار: "إذا كان كدا ماشي.. أنا هتصرف، هتصل بنديم ونعمة المجنونة".

فراويلة: "الشائعات دي كنز أثري زي اللي لقيته زمان في خان يوسف ههههه.. استنوا هفتح الباب".

فراويلة: "مين! أخويا عباس الضو وابنه يوسف، يا مرحب بيبكم اتفضلوا".

عباس الضو: "أنا مش جاي أتانس يا سلامة.. حسن وأشرف أخوات جارك مختار بيه كلموني من شوية وحكوالي على كل حاجة".

مختار: "وأنت رأيك إيه يا عم عباس؟!".

يوسف عباس الضو: "سكان العمارة بيقولوا لأ.. القيم بتقول لأ.. الأخلاق بتقول لأ.. كلنا بتقول لأ.. كل حاجة في البلد بتقول للشائعات لأ!!!!!!!!!!!!!!".

السحت: "طب أنا هستأذن يا حاج سلامة".

مختار: "إذا كان كدا خدني معاك يا سحت بيه مالناش نصيب في الصفقة دي".

عباس الضو: "ياما حذرتك يا سلامة من دماغك وثروتك الحرام.. جاي النهاردا بتضيع كمان حق الجيرة.. فوق بقى، فوق بقى، فوق بقى".

يوسف عباس الضو: "لأاا.. لأاا.. لأاا".

عباس الضو: "خلاص يا يوسف يا ابني متبقاش أوفر قوي كدا.. الكلام خلص لحد كدا".

سلامة فراويلة: "إحنا أسفين يا يوسف".



أبو العلا البشري..

الكبير قوي

-اللي مالوش كبير-

في شقة 5 يسكن أبو العلا البشري أمام شقة 6 التي تحمل لافتة مكتوب عليها "اللي مالوش كبير.. يشتري له كبير"، وصاحب الشقة الكبير قوي وزوجته هدية.

أبو العلا البشري خبط على الكبير قوي وطلب يقعد معاه ويشرب اتنين قهوة مظبوط، لكن كان اعتراض الكبير إنه هيشرب كابتشينو، والبشري ابتسم وقال له: "ولا يهملك يا كبير.. مش أنت الكبير برضه".

هدية: "اتفضل يا عم الحاج نورتنا والله.. فين أيامك الحلوة، تلقاها راحت هناك ولا هنكا".

الكبير: "خلصي يا بت وروحي اعلمي لنا جهوة وكابتشينو وبلاش الأفورة دي ع الصبح".

أبو العلا البشري: "طممني يا كبير على أحوال البلد؟".

الكبير: "والله يا عم أبو العلا حالها لا يسر عدو ولا حبيب".

البشري: "ليه؟ قلقتني!".

الكبير: "الأحوال اتشقلبت وفيه قيم وأخلاقيات اختفت من مجتمعنا".

البشري: "مين اللي متسبب في دا؟ وإيه اللي وصلنا لكدا؟".

الكبير: "يا عم أبو العلا زمنك غير زماننا في كل حاجة".

البشري: "إيه اللي كان بيعجبك في زماننا؟".

الكبير: "على أيامك كانت همومك مرتبطة بطموحك في الحياة كالمدينة الفاضلة عندك مبادئ ومعتقدات جميلة.. بتواجه بيها الظروف والحياة الصعبة".

البشري: "المدينة الفاضلة لا توجد إلا في الأساطير، لكن الخير موجود في الناس رغم تلوث المجتمع بالأفقيين والكذابين واندثار الأخلاقيات".

الكبير: "احكي لنا عن رحلة أبو العلا البشري في التسعينيات لجيل 2018".

البشري: "السيد أبو العلا البشري رجل يحمل الكثير من المفاهيم الصالحة لحياة تقترب من المدينة الفاضلة، خرج على المعاش بعد حياة قضاها في عمله ولم يغادر فيها مدينته...".

الكبير: "يا عم كلمنا بلغتنا بلاش التعقيد ده.. ما علينا وازاي عشت الأحداث الصعبة دي؟".

البشري: "الأحداث بدأت لما قررت أعيش حياتي في خدمة اللي أعرفهم من قرابتي.. وبعد ما تبنت بنت أحد أصدقاء العمل، رحلت إلى القاهرة.. وهناك وجدت كل المفاهيم تغيرت، وحاولت البدء برحلة للتغيير".

الكبير: "وهل إذا عاودت الرحلة في 2018 هتكملها ولا هتوجفها؟".

البشري: "الرحلة القصيرة اللي خدتنني فيها في شوارع المحروسة أظهرت لي أن الجيل الحالي يفتقد وجود "الكبير"، وهذه أزمة كبيرة

حسن أرابيسك..

منصور عتمان المغازي

-شباب ضايع-

أسفل عمارة سردينة يوجد ورشة الأسطى حسن النعماني الشهير بـ"أرابيسك" الراجل العترة، وفي مخازن العمارة يوجد "مغلق المغازية" للأخشاب، وذات صباح جديد توجه منصور عتمان المغازي ليجالس الأسطى حسن، ويفضفض له عن همومه ويتحدثوا في أحوال الحياة والناس.

منصور: "صباحك ورد يا عم حسن، منور العمارة والمنطقة كلها.. عايشين على حسك".

أرابيسك: "حبيبي يا مغازي يا كبير، إحنا منقدرش نستغنى عنك إحنا بنكمل بعض".

منصور: "صعبان عليّ حال شباب اليومين دول يا أرابيسك".

أرابيسك: "التكنولوجيا يا منصور والنت خربوا دماغتهم، غير المخدرات اللي انتشرت.. والبيت اللي بقى سايب في سايب".

منصور: "الواحد لو يعرف عدوه ويواجهه زي ما أنا اتصدت زمان لفودة أبو حطب لما كان بيهدد الناس ببلطجته، دلوقت العدو بقى خفي والحرب صعبة قوي نت ومخدرات وبلاوي ياما".

أرابيسك: "عندك حق بعد أيام الولا سامبو شفت بلاوي في الشارع، وأنا اللي كنت فاكهه أكثر شخص مجرم قابلته في حياتي.. عليه العوض".

منصور: "بقالي سنين بحاول أوصل للجيل اللي طالع في العيلة إننا كان مزروع فينا النخوة أبا عن جد، وكان عندنا عزة نفس، وبنواجه التحديات بنفسنا ومتماسكين".

أرابيسك: "الأساس وتوابع الزلزال بتوع 92 لسة سايبين فينا أثر.. ومركبين حياتنا، آه رمنا البيوت والمباني بس مرمناش نفسنا من جوه، ومبدأناش على مية بيضا".

منصور: "وأهو سيد أخويا جه.. قول له يا سيد قول له شوق مراتك
وعيالك عاملين فيك إيه.. قول له يا سيد".

سيد الهغازي: "بالراحة يا منصور، ودني اتخرمت، سمعتك.. إزيك
يا عم آرابيسك؟".

آرابيسك: "منور يا فنان.. هات شاي للفنان بتاعنا يا ض يا
شقتق".

سيد الهغازي: "العيال والست شوق مبيطلوش طلبات والغلاء
واكل كل حاجة والنشارة بتاعة الورشة مبتأكلش عيش اليومين دول يا
آرابيسك".

منصور: "بس يا سيد.. بس يا سيد".

سيد: "يا عم حرام عليك، بتزعق ليه؟ ارحمنا بقى".

آرابيسك: "هههه البيوت كلها على دا الحال يا مغازي.. الحمد لله
طلما عايشين ومعانا الستر والصحة".

توحيدية: "إزيك يا حسن؟ أنت سايبني أنا وعيالك في البيت وأنت قاعد في الورشة بتضحك مع ولاد المغازي.. أنا غلطانة إني اتجوزتك ورفضت عتوقة".

أرابيسك: "يووووه يا توحيدة هنعيدوا تاني! اطلعي وهبقي أطلع أتغدى معاكم النهاردا".

توحدة: "ماشى يا حسن".

منصور: "كان الله في العون يا أرابيسك، الحال طلع من بعضه".

أرابيسك: "يا عم متشغلش بالك، الحريم كلهم على دا الحال".

سيد: "الواحد بقى تايه في الدنيا دي يا أرابيسك والمشاكل كل يوم بتكبر.. دا كيلو البطاطس بقى بـ15 جنيه.. ما تغديني عندك ههه".

أرابيسك: "إحنا لازم الأول نعرف إحنا إيه وأصلنا إيه.. ساعة ما نعرف إحنا مين هنعرف إحنا عايزين إيه يا مغازي".

منصور: "الله يرحم عم جاب الله وأبو أنوار والحاج سلامة النعماني".

عمارة: "يلا يا حسن عندنا شغل في الورشة".

أرابيسك: "يوووه يا عمارة".

الدكتور برهان: "What About Social Media?"

أرابيسك: "وحياة أبوك كلمنا عربي يا عم الضاكتور".

الدكتورة مهناز: "يعني إيه الضاكتور يا حسن عشان أدونها في

النوتة".

أرابيسك: "هاتلي حجر يا ضاكتور".



عبد الغفور البرعي..

بهجت أبو الخير

-أسانسير الحبايب-

قرر بهجت أبو الخير وعائلته الكبيرة ترك منزلهم الكائن بالوراق، وشراء شقة جديدة في منطقة مصر الجديدة، ووقع اختياره هو وعيشة مراته على تملك شقة بعمارة المعلم سردينه، وبعد مرور كام شهر، تقابل بهجت أبو الخير بالصدفة مع المعلم عبد الغفور البرعي في الأسانسير، وتفاجأ البرعي أن أبو الخير هو جاره وساكن في الشقة اللي قصاده كمان.

بهجت أبو الخير: "أنا طالع الرابع، حضرتك طالع فين؟".

عبد الغفور البرعي: "أنا طالع الرابع برضه.. وعلى وشك بيان يا ندّاغ

اللبان".

بهجت: "الله! دا إحنا جيران بقى".

عبد الغفور: "الشرف لنا.. حَكَمَ الناس مقامات واللي يحفظ مقامه في الهنايبات".

بهجت: "وازي الأولاد والأسرة الكريمة وحضرتك بتشتغل في إيه؟".

عبد الغفور: "الحمد لله كلهم بخير.. أنا عندي وكالة عبد الغفور البرعي للخردة وابني بينافسني في السوق.. بس على رأي المثل اللي يحسب الحسابات في الهنايبات آه.. والأصول الحلوة متزعلش.. وحضرتك بتشتغل في إيه يا بهجت بيه؟".

بهجت: "أنا قبطان سابق.. وحاليًا رُبان على سفينة الحياة بقود البيت عندي بمشاكله وأمواجه، سُنّة الحياة بقى يا حاج برعي، مش الحاج بُرعي برضه؟".

عبد الغفور: "طب السفينة دي اتباعت خردة ولا أشتريها زي الطيارة.. شوف يا بهجت بيه أنا بحب الراجل الناشف اللي بيشتقى عشان عياله.. وابني عبد الوهاب ياما تعبني زمان بس ربنا هداه الحمد لله ولبس جلايبة أبوه".

بهجت: "جلايية إيه وبدلة إيه يا حاج، إحنا خدنا الكلام
ومنزلناش، اتفضل اتفضل".

عبد الغفور: "تعالى بقى نشرب اتنين قهوة مطبوظ من إيد فاطنة
مراي، مقولكش حاجة آخر الآجة".

بهجت: "ده واجب علينا إحنا يا معلم".

عبد الغفور: "فاطنة.. فاطنة، عندنا ضيف.. الأستاذ بهجت أبو الخير
جارنا".

بهجت: "طالما فيها بقى أم عبد الوهاب نبعث نجيب عيشة مراي
والشيف شلبي وفرح بنتي مراته، وسعاد وييبو بنتي وجوزها، وبهيجة
ورمزي جوز بنتي، والبنت الرابعة زهرة متطلقة عادي، والظابط سيف
ابن الوزير جوز بنتي بوسي آخر العنقود، وبالمره عيالهم وأهو نتعرف
كلنا على بعض، وكمان الأستاذ حسن الاتم".

عبد الغفور: "يشرفوا.. بص أنا اتعودت في حياتي إن اللي يعوزني
يجيني لحد عندي، وعلى رأي المثل: (أفتكر لك إيه يا بصلة وكل قطعة
بدمعة).. افتحي الباب يا فاطنة".

فاطمة: "أهلاً أهلاً بمرات الغالي وعيالها.. بت يا سنية، بت يا بهيرة، بت يا نفيسة، بت يا نظيرة".

عيشة: "إيه التهريج دا يا بهجت جبتنا على ملا وشنا عشان نقعد مع ناس منعرفهاش".

فاطمة: "أهلاً بمرات أخويا، اتفضل يا سيد".

مرات سيد كشري: "إيه دا يا حاجة أنتم عازمين العمارة عندكم.. طب مش كنتِ تقولي آجي أعملهم شوية محشي".

فاطمة: "دول مش ضيوف.. داسي بهجت جارنا وعيلته".

عبد الغفور: "ده بقى عبد الوهاب ابني ومراته وابنهم عبد الغفور".

عبد الوهاب: "أهلاً بيكم منورين الوكالة، قصدي البيت معلش الشغل واكل دماغ الواحد".

الشيخ شلبي: "أنا بقى الأكل الي واكل دماغي، ههههه، تحب أعملكم بيض بالبرقوق أو بالكاكا لتزويد الطاقة".

سيد كشري: "تروح فين أنت في سوق الأكل، دا أنا عندي أكبر محلات كشري في المنطقة".

الشيخ شلبي: "كل شيف وله صوصه يا سيد يا كشري.. الكشري دا أعمله بصباح رجلي الصغير.. قول له يا بهجت".

بهجت: "ألقي عندك شيشة عنب يا حاج عبد الغفور؟".

حفيد بهجت: "يلا يا بهجت نلعب بلاي ستيشن".

عبد الغفور: "هو إيه بلي ستيشن دا يا بهجت بيه.. وازاي الواد المفعوص دا بيندهك باسمك حاف كده؟!".

عيشة: "إحنا مناسيين معالي الوزير يا حاج عبد الغفور، لو احتجت أي خدمة ولا حاجة".

عبد الغفور: "هههه، أنا كنت مناسب برضه وزير، الله يرحمه.. وطلقت بنتي من ابنه، دول كانوا طمعانيين فينا.. بس عمري ما اتعاليت على حد".

محفوظ سردينة: "أبويا باعتني عشان ألم إيجارات العمارة.. وبيقول

لك هات الفلوس الي عليك يا عبد الغفور ولا نسيت؟".

عبد الغفور: "ههههه، مفيش فايده فيك يا أبو كرش".



عائلة ونيس أبو الفضل..

عائلة سابع جار

- الجيران لبعضها -

لجأت جارة ونيس أبو الفضل إليه لتشتكي من زوجها، وتعشم جاره الآخر في إيجاد حلول لمشاكله الأسرية المتكررة، إلى جانب حضور أحد الجيران الآخرين، وكالعادة لم يتردد ونيس في مد يد العون لجيرانه داخل شقته.

بابا ونيس: "أبنائي أعزائي فلذات أكبادي.. وحشتوني".

عز الدين: "أكلت البسكوت كله يا بابا".

بابا ونيس: "بيبقى فيه فتافيت من البسكوت، أكلته برضه؟".

عز الدين: "أيوه يا بابا".

بابا ونيس: "وانت يا هدى بكرة هتكبري وتتجوزي ونخلص منك".

هدى: "نعم بقى! أنا تقعدوا تكبروني وتجهزوني وفي الآخر أقعد على بيضة وتقولوا لي دا جواز".

بابا ونيس: "وأنت عامل إيه يا شرف الدين في دراستك؟".

شرف الدين: "أديني بجتهديا بابا لحد ما أوصل".

ماوا ميساء: "ادخلي المطبخ حضري الغدا لأخواتك يا جهاد".

جهاد: "حاضر يا ماما".

ونيس: "وأنتم بما إنكم جيراننا إيه مشاكلكم؟ وليه وصلتم لكدا؟!".

طارق: "أنا زهقت يا عم ونيس من علاقتي بمراتي.. فتور وقرف".

نهي: "ما أنت اللي طول الوقت شغل ولما بنيجي نخرج بتدبسنني في مامتك".

ونيس: "مفيش مشكلة خالص".

عمرو: "أنا عندي ياس من مشواري مع شغلي في المزيكا".

مراته: "وأنا عندي طموح وعمايزاه ينطلق".

ونيس: "مفيش مشكلة خالص".

الأم لهياء: "نفسى بنتي تتجوز وأخلص منها.. عشان عدت التلاتين
يا أختي".

ماها وهيساء: "متقلقيش دي عبلة بنت خليل علي قنديل الطويل
جارنا التجوزت وخلفت عنتر وعنبر".

هالة: "أنا بقى عايزة راجل أتجوزه ونخلف ونسيب بعض وخلاص
بورقة "شكليات يعني".

ونيس: "اوعي يا ماما اوعي، إيه اللي بتقوله دا!".

ماها زوزو: "على آخر الزمن عشنا وشفنا".

ثروت: "تعالى أتجوزك ونجيب 3".

مطالع فتيس:.. فك تكشيرة وشه وابتسم قوي.

ونيس: "إيه الهرج والمرج دا؟".

هبة ابنة الأرم لاهياء: "طب ما أنا ماشية مع جاري المتجوز عادي
وينشرب سجاير ملفوفة سوا".

ونيس: "بس يا أمي بس، أوبااا".

فؤاد: "طب ما أنا عايش على قفا مراقي وعيلتها والحياة فل.. تاكل
دونيتس؟".

دعاء أخت هبة: "ربنا يهديهم بجدا يا عمو ونيس".

ليلي: "والله غلبنا معاهم يا ميساء.. وأدينا بنحاول نحافظ على شوية
من تربيتنا".

هي: "أنا متمردة على الواقع، عايشة براحتي وبعمل كل حاجة على
مزاجي.. حتى ف حياتي كذا راجل".

كريمة: "أنا مرحة ومرنة، وبخرّج الناس من الضغوط اللي هما فيها
بالمساعدة والضحكة الحلوة".

ونيس: "أنتم فاهمين التحرر غلط خالص وكفاية مش قادر أسمع
كلام زي دا تاني".

عبد الله ابن خالته ونيس: "أنا مش فاهم حاجة خالص!".

هبة: "تدخن سيجارة يا عمو ونيس؟".

ونيس: "أنا بستخدم قوتي مع ضعيف زيك لحد ما يقوى ويفهم يعني إيه فرد في الأسرة".

أبو الفضل: "تقييمك إيه للبلاوي دي يا ونيس!".

ونيس: "عاهدت نفسي أنا وزوجتي أن نربي جيلاً مثاليًا على القيم والأخلاق.. ولم يخطر ببالي يومًا أن أمورًا كالتي رأيتهَا وسمعتها ستكون جزءًا من حياتنا اليومية.. بل تأملت كثيرًا لما وصلت إليه البيوت المصرية.. تدخين ومخدرات، خيانات وفضح علاقات، أسرار لم تعد أسرارًا، وحكايات لم تبقى إلا خيالات.. وتأخر في الدراسة والنتائج والدرجات، ليست هذه هي الجيرة.. ولا هذا هو أول جار أو حتى سابع جار.. أفيقوا يرحمكم الله".



الحاج متولي..

الحاج فواز

- هول 8 سنات -

في الدور السادس تسكن عائلة الحاج متولي سعيد بزوجاته الأربع،
والحاج فواز أيضًا ومراتاته سميحة وأنهار وهدى ودلال، كان فواز يدير
تجارة الحاج متولي في وكالة القماش، وخطرت على باله فكرة لتوسيع
التجارة ورأس المال والمكاسب، وطلب من العائلة الاجتماع لأمر
ضروري بشقة الحاج متولي بحضور كل سيدات المنزل للأهمية.

الحاج متولي: "خير يا فواز جمعتنا على ملا وشنا، لعله خير، عايز
تتجوز ثاني ولا إيه؟!".

الحاج فواز: "ههه، مش للدرجادي يا حاج، توبنا إلى الله.. إحنا كدا
حلوين قوي، اتعشت".

الحاج متولي: "أومال فيه إيه وغوشتنا.. حد مضايقتك في الشغل ولا حاجة؟!".

الحاج فواز: "ما هو أنا جمعتمك عشان خاطر الشغل.. عايزين تكبر يا حاج".

نعمة الله: "وماله كدا يا فواز؟! إحنا حلوين وأدينا لابسين ذهب من فوقينا لتحتينا".

الحاج متولي: "أنتم متجوزين طراطير ولا رجالة، محدش يفتح حسه إلا بإذن".

مديحة: "ما عاش اللي يضايقتك يا حاج، دا أنا بزعل عليك موت".

أهينة: "جرى إيه يا فرعة، جرى إيه يا توتر! كمل يا فواز".

أنهار: "والنبي ما تزعل نفسك يا حاج فواز أنت وراك ستات رجالة".

الحاج فواز: "بمناسبة الستات الرجالة يا أنهار، إحنا هنتفتح مول اسمه 8 ستات، والمشروع دا هيرفع اسم الوكالة فوق، صفقة مغرية وهننقصها كويس قوي".

سميحة: "طبعاً يا حاج أنا أول اسم في الـ 8 ستات دول".

الحاج فوز: "إذا سمعتِ الكلام للآخر يا سميحة.. غير كدا هطلقك

وأتجوز واحدة الصبح.. ستات مبتجيش غير بالدق ع النافوخ".

الحاج متولي: "يا ابني سيبك من زن النسوان.. أنتم تطيروا برج

نافوخ أجدعها راجل.. فهمني هتعمل إيه يا فوز؟".

نعمة الله: "مبدئياً أنا اسمي ميتحطش جنب مديحة ولا سميحة".

الحاج فوز: "يادي النيلة.. بص يا حاج إحنا هنأثر على صاحب

العمارة إننا ناخذ منه كل المحلات اللي تحت البيت ونفتحها مول تجاري

كبير ونسميه 8 ستات.. وإحنا اللي هنصنع ونوزع ونعرض كمان في

ضربة واحدة، وبكدا نبقى كوشناع السوق كله".

الحاج متولي: "فعلاً.. ابن الوز عوام، جبتها منين دي؟ إيه رأيك يا

ألفت؟!".

أهينة: "هي ألفت بس اللي قاعدة معاكم ولا إيه يا حاج! ولا في

ناس مهمين وناس مهمين حلوين".

نعمة الله: "إيه يا أخويا منشبهش ولا منشبهش!".

مديحة: "لأ يا حاج، أنا كدا زعلت منك موت".

أنهار: "وبعدين بقى في كُهن النسوان دا؟".

سهيحة: "أنا قاعدة مؤدبة أهو يا حاج فواز".

الحاج فواز: "ساكتة ليه يا هدى إنتِ ودلال؟".

دلال: "أحبووش".

هدى: "بارك الله فيما رزق يا حاج، هقوم أصلي العشاء".

ألفت: "إيه دا يا موتي هما على طول مستقصدني كدا؟ أوف بقى.. أنا

ماشية بمبدأ "No No.. Yes Yes".

الحاج متولي: "متزعليش يا أفتي، ولا يهملك منهم، هشطبهم من

الجدول".

الحاج فواز: "إحم إحم، ما علينا نكمل المشروع بتاعنا يا حاج.. إحنا

هنعلن إن فيه خصومات خاصة لسكان العمارة وقرايهم.. ولو كل

الحاج فوزان: "مادام بما يرضي الله يبقى ع البركة ربنا يكملها بالستر
ويديمها علينا نعمة، قولوا آمين".

الحاج وتولي: "أنتم فرحانين بقعدة المول.. ياما ستات تقول للقمر
قوم وأنا أقعد مطر حك بس متعمرش بيت.. نقرأ الفاتحة".



رفيع بيه العزايزي..

حبيشة

- عزوتك في ناسك -

يتصف الدور السابع من هذا العقار بالخصوصية التي فرضها وجود شخصيتين من العيار الثقيل بجوار بعضهما البعض، والانطباعات التي شكلتها ملاحظتهما لدى سكان العمارة جعلتهما بعيدين عن التواصل مع الآخرين، والتعرف على تفاصيل الجيرة، لكن مع مرور الشهور والسنين لم يُعجب رفيع بيه العزايزي ربط هذه الصورة الذهنية بوجود شخصية مثل حبيشة في الدور الذي يسكن فيه والسلام، فقرر أن يواجهه لينتهي هذا الصراع النفسي، ويمحيه من أجندة الجيران بصُحبة وهبي السوالمى.

رفيع: "كيف أحوالك يا حبيشة؟".

حبيشة: "اللي أبوه صعيدي ميخافش.. تحية من الصعايدة لرفيع

بيه".

رفيع: "أنت مرتاح في العمارة دي؟ أصل أنا بفكر أعزل منها".

حبيشة: "الي مع صعيدي يتورط يبقى في عمره بيفرط.. وزي ما أم حبيشة قالت: "الساعة ساعة حق".. مين مضايقتك يا كبيرنا وإحنا نزعله؟".

رفيع: "يا ابني الدنيا مش كلها بتتاخد بالدرع، لازم نستخدم عقلنا شوية".

عم كاهل: "متفحرش ع المشكلة يا حبيشة لسة الدنيا مهديتش.. كمل يا رفيع بيه".

حبيشة: "بص يا عم كامل ابن عمي زين الجناوي خلصنا من شر مسعد هتلر وراح فطيس.. عايزنا نخاف من شوية سكان فرافير وبهوات!".

وهبي السوالهي: "والله ما أنا خابر الي في راسك دا عقل ولا فردة بلغة جديمة! يا ابني اسمع رفيع بيه الأول واقفل حنكك".

حبيشة: "عداكم العيب يا رجاله.. كلي آذان صايغة".

رفيع: "عايزين نصلح علاقتنا بالسكان ونغير صورتنا في عندهم..
خصوصًا إننا ساكنين في دور واحد ومحسوبين على بعض".

حبيش }ة: "يا ابن عمي أنا ميهمنيش نظرة الناس والمجتمع لي.. أنا
يهمني إني أفضل في نظرهم واحد بيخوفهم وخلاص.. واللي له حق
بيجي ياخده.. ولا إيه يا عم كامل!".

رفيع: "وريني هتعملها كيف؟ لسة متخلقش اللي يهدد سكان عمارة
قاعد فيها رفيع العزايزي".

أم رفيع: "يا ولدي أنت وهو.. كفاية عاد، احمد ربك إن اللي واقف
قدامك دا رفيع العزايزي".

رفيع: "دي تمثيلية يا أما.. أنا بفكرك بوصية المرحوم أبوك.. العزوة
والتاريخ.. والعزوة مش بالسلاح والانتقام والضغينة.. العزوة بحب
الناس ولتهم حواليك".

حبيشة: "هي الدنيا كرهاني ليه يا أما هو أنا وحش؟ تعبت قوي يا
أما".

أم حبيشة: "استغفر ربك يا ولدي.. احمد ربنا واشكره إنه بعثلك
واحد زي رفيع بيه يفوقك".

حبيشة: "حقك عليّ يا كبير أنا هخبط على شقة شقة.. وهشوف
الناس عايزة إيه وعينيّ ليهم".

وهبي السوالي: "وبالمناسبة دي أنا هبعت أجيب رئيسة تفرشنا
شوية.. واعيلي يا مرعي".

الحارس مرعي: "مخبرش يا سي وهبي.. عموماً أمر جنابك هههه".

وهبي السوالي: "ضحكك ماسخ".

رفيع: "وأنا هبعت لعم غزال وفرحة عشان يشاركونا الفرحة الحلوة
دي".



فاطمة تعلبة..

الحاجة نصرمة

-أرض فاضية قدام العمارة-

الوحدة هي جليسة كل منهما، والزهق والمثلل هما رفقاء المرحلة، ولكن من وقت لآخر "بيشقروا" على بعض، الحاجة فاطمة تعلبة تسكن في الشقة المجاورة للحاجة نصرمة، وفي إحدى الزيارات بينهما قررت الحاجة نصرمة شراء "حتة أرض" بعد علمها بوجود أرض فضاء أمام العمارة، والاستفادة منها في بناء مركز للعمل الخيري ورعاية الأيتام والأرامل.

الحاجة نصرمة: "اتوحشتك يا حاجة فاطمة، عاملة إيه يا غاليتي؟".

الحاجة فاطمة: "الحمد لله.. قلت آجي أسايرك في دارك أحسن من

القعدة".

الحاجة نصره: "تنوري الدار في أي وقت.. وكنت عايزة آخذ رأيك في حكاية كدا يا غاليتي".

الحاجة فاطمة: "يا سلام، أجيب السبرتاية نعمل اتنين قهوة ونتساهروا مع بعض".

الحاجة نصره: "فيه أرض قصاد العمارة اللي إحنا ساكنين فيها، أنا شيفاها لقطه وعايزة أشتريها ونعمل فيها مشروع خيري".

الحاجة فاطمة: "دي فكرة زينة، طول عمرك سباقه ونبنتك نبتة خير".

الحاجة نصره: "بس فيه مُشكل صغير قدامي، عرفت من البواب اللي ع الأرض.. إنها ملك لورثة هارون صفوان، وأكيد أكيد مش هيهملوني لو عرفوا إني أنا اللي هاخذها".

الحاجة فاطمة: "ياااه يا نصره، لساكي بتخافي من التار والكلام الفاضي دا.. مش يمكن أحفاده دول ولا ورثته أيًا كانوا مش شبه جدهم.. ويكونوا متعلمين ومنتورين وعارفين إن اللي فات مات".

الحاجة نصرته: "تفتكري؟ بس دا سلسال مد جدوره في سابع أرض
يا حاجة فاطمة".

الحاجة فاطمة: "سييني أطأس من بعيد على الأرض دي، طالما النية
خير ربنا هيكرم".

الحاجة نصرته: "ها يا غاليتي، عملت إيه في موضوع الأرض
الفاضية؟".

الحاجة فاطمة: "مش قلت لك مش لازم يبقى الابن شبه الأب أو
يبقى السلسال نفس الطبع والأخلاق.. عرفتهم إني من سلسال
العكايشة، وإني الود بتاع العمارة.. وطلعوا شباب متعلمين علام عالي
قوي ورحبوا بيّ ولما عرفوا كمان إيه اللي هنعمله فرحوا، وقالولي هاتي
الحاجة نصرته بكرة تمضي العقود.. بس فيه واحد اسمه مصيلحي قعد
يقول لهم "دي نصرته اللي واكله ناسها".. فقعدوا يضحكوا على كلامه".

الحاجة نصرته: "فعلاً عندك حق، يبقى اللي زرعته في فراج قعدله في
عياله.. وكمان أنا أصلاً عايزة أغير الأفكار الدارجة عن دور الأيتام

والمسنين ومساعدة الناس، لأن الإعلانات اللي بتيجي في التليفزيون دي بتاعة- اتبرع اتبرع- مش بتوصل الصورة كاملة.. غير إن الناس مبقتش عارفة تتبرع لمين ولا مين، خاصة إن المشايخ بتوع الفتاوى طافحين علينا مرار.. غير الإعلانات بتاعة العظام والغضروف والسمنة والنحافة والأسنان والدكاترة اللي فجأة طلوا علينا في كل القنوات!".

الحاجة فاطمة: "بكرة بعد الشمس ما تنجع يبقى ننزل نعاين الأرض، ونمضي العقود ونتوكلوا على الله".



حديث الصباح والمساء..

ريا وسكينة

- جريمة غامضة -

استيقظ سكان العمارة على صراخ يأحى الشقق، وإذ بجريمة عجيبة تزلزل الدور العاشر، الذي تقطن فيه عائلة حديث الصباح والمساء، وعائلة ريا وسكينة.

ريا: "أيوه، إيه اللي حصل دا؟ يادي المصيبة اللي حطت على راسنا!".

سكينة: "وإحنا مالنا يا مره، إحنا ناقصين مرازية!".

هدى هانم: "إيه يا مدام ريا إنتِ وأختك سكينة مفيش صباح

الخير!".

حسب الله: "أصل إحنا لامؤاخذة ناس في حالنا ومبندجش

الخُطّة".

نعمة الهراكيبي: "إحنا أصلاً غلطانين إننا بنعبر ناس زيكم، إحنا ولاد أكابر".

عبد العال: "إحنا آسفين يا ست نعمة، معلش يا هدى هانم حقت عليّ أنا.. عايزين بس نعرف إيه اللي حصل، إحنا ف الأول والآخر جيران برضه وميخلصناش زعلكم.. بوسي راسها يا سكينه".

سكينه: "متزعليش مني أصل الواحد مضغوط اليومين دول، ومبقاش عارف السما م العما اتفضلوا نشربوا مع بعض كاسين.. كاسين عصير يعني".

أبو العلاء: "طب أنا بقول ياريت تعلمي لنا فطار أحسن يا سكينه يا أختي".

هدى هانم: "اسكتي يا ريا مقولكيش على جرايم اليومين دول، حاجة فظيعة وتجنن العقل السليم.. تخيلي واحد يقطع عياله ومراته.. وواحد يقتل أبوه.. وواحدة تقتل خطيبها، دي حاجة صعبة خالص".

ريا: "وأنتِ الصادقة دا غير حوادث الخطف وسرقة الأعضاء والسرقة بالإكراه، ربنا يعافينا".

عبد الرازق: "أنا كنت قاعد إمبارح على القهوة تحت البيت، وسمعت إن فيه واحد من الشباب بيقول لك الشركة بتاعتهم فيه قراصنة عملوا عليها هاكر.. هو يعني إيه هاكر يا عبد العال؟!".

عبد العال: "دا زي سرقة كدا بس سرقة معلومات تكسب ذهب وتشل حركة الشركات وتنقص الغلة، وفيه هاكر دلوقت على الدول كمان، تخيل.. دي حرب كبيرة ودايرة ملناش دعوة بيها".

نعمة الهراكيبي: "الله يرحم عطا ويزيد وعزيز والشيخ معاوية وصادق والشيخ قليوبي وداوود باشا.. ارتاحوا بدري بدري قبل ما يشوفوا الأيام دي".

ريا: "الله يرحم أنيسة وفردوس ونظلة وخضرة ونبوية وزنوبة وحجازية".

هدى هانم: "مين دول يا ست ريا؟!".

ريا: "لأ دول كانوا جيراننا زمان هناك في سكندرية وماتوا مودة ربنا، ارتاحوا".

راضية: "شايفة أسامي زمان كانت حلوة إزاي.. إحنا سمينا شاكيرا
وصدرية ورشوانة ودنانير ونازلي وسرور كمان، دلوقت بيسموا إيشي
تارا وتالا وهيفا ونانسي ومهند.. صحيح كل وقت وله أدان".

جلييلة: "خلاص خلصتوا حوادث وسيتتم أشغالكم".

بديعة: "أنا عايزة أكل فراخ".

ريا: "اخربي يا بت".

المعلم عرابي: "الراجل مش بس بكلمته.. الراجل برعايته لعمارته
وأسرته".

التقشبندي: "حصل إيه بعد كدا؟ وإيه هي الجريمة؟ ومين مات
ومين عاش الله أعلم!".



عم عوض..

حمادة عزو

-رحلة الساحل-

علم عم عوض من أحد الجيران في العمارة أن جاره في نفس الدور حمادة عزو- رايح مصيف قريب- فاتصل به على الفور ليستغل علاقته به كجار، ويطلب منه السفر معه هو وأسرته.

عم عوض: "إزيك يا حمادة بيه؟ ممكن تتصل عليّ عشان مش معايا رصيد".

حمادة عزو: "طب اقفل وأنا هطلبك.. أو مرني يا عم عوض".

عم عوض: "ميا مرش عليك ظالم يا سعادة البيه.. إيه رأيك نطلع المصيف السنة دي سوا؟".

حمادة عزو: "اشمعني السنة دي يعني.. عمومًا أنا كنت فعلاً طالع آخر الأسبوع.. عشان كمان أعرض شوية شغل ليّ من لعب الأطفال

والعرايس هناك في الساحل.. ابقى عدي عليّ نرتبها سوا وجيب معاك الأولاد".

عم عوض: "ربنا ميحرمناش منك يا بيه، ومش لازم نيجي ع الغدا خليها عشا على طول وسلم على ماما نونا".

دهادة عزو فتح باب شقته بعدها بساعتين: "أهلاً يا عم عوض، اتفضلوا، منورين البيت".

عم عوض: "أنت لسة بتلبس تيشترات عليها حرف ال H أنا بقى فصلت فلنة عليها حرف ال M".

دهادة عزو: "ودا بيرمز لإيه؟ هههه".

عم عوض: "MONEY فلوس يا بيه، فَتَحْ مُخْكَ شوية".

دهادة عزو: "هههه، طب خلينا في المصيف.. ها هنعمل إيه؟!".

فردوس: "أنا عن نفسي عايزة أنزل صوري ع البحر عشان صحباتي يعرفوا إننا بنروح مصايف زي ولاد الناس".

لطفيا: "لا لا أنا مش عاجبني الكلام دا.. أنا عايز أروح المصيف
عشان أضمن إني هاكل أسبوع متصل فطار وغدا وعشا واحتمال أتسحر
كمان".

جلال: "كان لازم يعني يا بابا تخبينا لحد هنا عشان تعرنا وتكسفنا
قدام الجيران.. أنا مش هطلع معاكم، أنتم لازم تحترموا مركزي شوية..
أنا شكلي هحجر عليك تاني".

عر عوض: "خلاص يا ولاد بقى، عايزين نسمع رأي عمو حمادة،
عيب.. إحنا كدا كدا هنركب معاه".

حمادة عزو: "ههه ضحككتني، أنا أصلاً مش هروح بعربيتي، البنزين
كل يوم بيزيد غير مفاجآت المخالفات، وموديل العربية قديم مش
عارف أغيرها، الأسعار نااار فمتعشمش نفسك قوي كدا يا عم
عوض".

فردوس: "لأ، أنا كدا هتصل على فخري بيه".

عر عوض: "بس يا بنت".

حكوت: "حسك بالدنيا يا أخويا، كفاية علينا إننا هيضلل علينا سقف واحد وبناكل من صحن واحد".

عطا: "أنا نفسي أطلع المصيف دا معاكم يا جدعان عشان أشوف حفلة الهضبة في مارينا بيقولوا التذكرة هناك بالدولار، وأصلاً تأجير الشاليهات بقى باليورو.. وأغيط أمني أم زوبة وأبويا عم فوزي الحلاق".

نوال عزو: "أصلاً مين قال إن المصايف تهريج.. أي ترفيه أو خروجات أو شم هوا دا نوع من أنواع تنشيط الناس وتغيير عشان الملل والروتين.. بس لازم يكون بنظام وتحكمه شروط والتزام.. يعني الأولاد لو ناموا بميعاد وأكلوا في ميعاد وراحوا مدارسهم وجامعاتهم وعملوا واجبتهم ونجحوا يبقى لازم نكافئهم على تعبهم دا.. غير كدا التسيب بييجيب تسيب والفوضى بتجيب فوضى".

حمادة: "هو إيه دا.. إحنا طالعين معسكر كشافة!".

إبراهيم عزو: "حسام.. أنا الرخص بتاعتي اتسحبت مني في كمين الكيلو 101 بتاع الساحل من سنة".

حسام عزو: "الناس دي لو طلعت معنا المصيف هجبسهم كلهم..
وأنا بحذرك يا بابا من التهريج دا".

ماها نونا: "ليه يا ابني كدا! إحنا بنحبك والله، متزعلنيش منك بقى..
حقك عليّ أنا يا حمادة يا حبيبي".

إيناس: "لازم أنا وانتِ يا جيجي نكوش على السويت كله وناخد
راحتنا الآخر، ههههه".

عم عوض: "قمصان فلنات شربات.. بنس كلونيات كرييات خشوا
عليّ يا حلوين أسعارنا أوكازيونات، مين يقول هات؟!"



أبلة فضيلة..

أسامة هنير

- إذاعة العمارة -

في الطابق العاشر توجه الإذاعي أسامة منير مباشرة إلى شقة جارته الإذاعية القديرة أبلة فضيلة، ليعرض عليها فكرة برنامج إذاعي جديد، يُبث عبر أثر راديو العمارة، ورحبت أبلة فضيلة بالفكرة وقررا بث أولى حلقاته بعد أسبوع، وتم التنويه عن البرنامج بوضع إعلان واضح بمدخل العمارة.

أسامة هنير: "وحشتينا يا أبلة فضيلة ووحشتنا حواديتك".

أبلة فضيلة: "ربنا يخليك يا أسامة، أنت برضه إذاعي كبير.. وأنا

مبسوطة جدًا إننا جيران".

أسامة منير: "بصي يا ست الكل من غير مقدمات أنا عندي فكرة للحلقة الأولى".

أبلة فضيلة: "قول يا أسامة سمعك.. بس خلينا نتفق إننا لازم نحترم عقلية الناس".

أسامة منير: "إحنا ممكن نعمل بروفة قبل الهواء يا أستاذتنا".

أبلة فضيلة: "يلا بينا، هات الورق".

أسامة منير: "دلوقت جه ميعادكم مع "أنا وأبلة فضيلة وهواك".. مع أبلة فضيلة وأسامة منير.. وبكل الحب هنتكلم عن الحب.. بكل الحب هتناقش كل قضايا الحب، وكل مشاكل البيوت وازاي نتغلب عليها".

أبلة فضيلة: "حبايبي الحلوين.. حلوين الأخوات لما يكونوا بيحبوا بعض ومتعاونين.. شطار الأخوات لما يقولوا البعض خدزي ما يقولوا لبعض هات.. شطار الجيران وحلوين لما كانوا دايمًا مبتسمين لا يزعلوا بعض ولا أبدًا متخاصمين".

أسامة ونير: "الفارق بين امرأة تحبها أو أخرى تشتتها كالفارق بين الحياة بكل ما فيها وبين عطلة آخر العام.. زي ما اتعودنا كل يوم حد حلقتنا مفتوحة من القلب للقلب.. هندردش ونسمع بعض من خلال تليفوناتنا داخل العمارة ورسائل الـ SMS أو جروب الواتس أو صفحتنا على الفيس بوك، ومعانا أول اتصال تليفوني من العمارة ونقول ألو مين معايا؟".

- "أنا سنية جارتكم في العمارة وعندي مشكلة، أنا حبيت ابن وزير واتجوزنا واتطلقت بعدها وبابا مُصمم إنه كان طمعان في فلوسنا، وأنا لسة بحبه ومش قادرة أنساه.. أعمل إيه يا أسامة؟!".

أسامة ونير: "قالت ماذا عن حبيبك؟ قلت: ما يسقط عندما تقلم أظافرها بكل النساء اللواتي عرفتهن.. قالت حتى أنا؟ قلت: نعم حتى أنت.. هرد عليك يا سنية بس هقرا شوية رسائل.. "أرجوك ترد عليا يا أسامة أنا جارك في العمارة ومحتاج 200 جنيه أشحن الباقية".. "كلمنا عن التقدير في الحب يا أسامة".. "أنا المعلم عبد الغفور البرعي وبقول

لك اقبل المسخرة دي وسنية لو اتصلت بيك تاني هشوف شغلي معاها" .. بصي يا سنية واضح عن والدك إنه شديد جداً.. لكن حببيك القديم دا من النوعية اللي لما تديله على دماغه هيتعدل.. وقولي له ابقى سلم لي على أبوك الوزير يا حيلتها يا ابن أمك، سوري، نسمع مع بعض "صعبان عليّ" للهضبة عمرو دياب".

أبلة فضيلة: "جيراني وحبائي كل المشاكل ممكن تتفك وتتركب إن كانت طيارة ولا مركب.. كل المشاكل نقدر عليها إن كانت لينا أو علينا.. نقدر نتغلب ونعدي، نقدر نهون ونهدي.. هحكيلكم حدوتة حلوة صغنتوتة مهياش ملتوتة ولا ممطوتة.. "كان فيه اتنين جيران واحد فرفوش والثاني زهقان، فرفوش واخذ كل حاجة في حياته بابتسامة وراضي جداً ومبيحبش الأتامة، وصاحبنا الثاني اللي اسمه زهقان دايمًا زهقان وشايف وجوده في الحياة رخامة، وفي يوم من الأيام الجو مطر والشوارع والبيوت غرقت، جري زهقان يتكلفت من البرد ومهتمش بأي حد، إنما فرفوش شاف هدوم قديمة عنده ونزل الشارع في عز المطرة يدور على حد محتاج الدفا، ورجع البيت اتوضى وصلّى

ودعا ربنا يكرمه ويكرم أسرته وناسه من قلبه، تاني يوم الشمس طلعت
ونشفت كل الشوارع، اتقابل فرفوش مع جاره زهقان على سلم العمارة،
وسأله عن أحواله؟ رد عليه زهقان وقاله: مفيش جديد حياة مملة
وتزهق ومبقتش سعيد، قدام باب العمارة كان فيه راجل طيب مستني
فرفوش لما ينزل عشان يشكره إنه ساعده واداله لبس يستره من البرد
والمطرة الشديدة، وقال له ياريت كل سكان العمارة زيك، اتخرج زهقان
والموقف أثر فيه وقرر يبقى زي فرفوش مُقبل على الحياة ويساعد الناس،
لأنه حس السعادة اللي بجد"، وأنتم كمان لازم تعرفوا إن السعادة مش
في التشاؤم، السعادة الحقيقية في التفاؤل وإسعاد الناس ومساعدتهم..
وتوتة توتة حلوة الحدوتة.. وبكرة حدوتة جديدة مع أنا وأبلة فضيلة
وهواك.. مع السلامة ونسمع أغنية الختام سلام".

يا ولاد يا ولاد.. توت توت تعالوا تعالوا.. علشان نسمع أبلة
فضيلة.. راح تحكي لنا حكاية جميلة.. وتسلينا وتهنينا وتذيع لنا كمان
أسامينا.. أبلاااة أبلة فضيلة".. واك واك واكواك واكواك واك.



سهير صبري..

عمره أديب

-صالة جبر العمارة-

يلتقي في صباح كل يوم الجاران سمير صبري وعمره أديب للذهاب
إلى صالة الجيم الموجودة أسفل العمارة.

صبري: "صباح الخير يا عمره، يومك هادي وجميل ونسيمه عليل
من غير دوشة ولا تفاصيل.. وسكر حلوة الدنيا سكر".

أديب: "عمنا وحبينا، إيه الحكاية النهاردا نازل بدري خمس
دقايق؟".

صبري: "أنت عارف أنا بهارس الرياضة من سنين طويلة ومحافظ على
لياقتي".

أديب: "يا بختك يا عم وأنا عمال أحش أكل على كل عربيات مصر، وكأني متربي على عربية في الشارع، مسخرة هههه، أنا أصلاً بفكر أشاركهم".

صبري: "الجميل في الرياضة إنها بتحفظ شبابنا من إدمان المخدرات، وطبعاً العقل السليم في الجسم السليم يا عمور".

أديب: "عندك حق والله.. بس أنا برضه بستغرب الشباب اللي بيضربوا مخدرات عمّال على بطل رغم حملات التوعية المتكررة من الجهات المنوطة".

صبري: "الحملات والقوى الناعمة زي الإعلانات والبرامج والمسلسلات والسينما والمسرح والأغاني وغيرهم من الفنون رسايلهم مباشرة وواضحة، لكن للأسف الممنوع مرغوب".

أديب: "الشباب مشتتين بين وسائل التواصل الاجتماعي والروابط الرياضية وتشجيع فرق أوروبا.. ودا يقولك أنا مدريدي والثاني أنا

برشلوني، وابننا محمد صلاح مشرفنا ومكسر الدنيا وبقي حديث العالم لازم ننتمي لفرق بلدنا شوية، أنا زملكاوي وبعلمها كل يوم".

صبري: "لو طبقنا نموذج صلاح على مجالات ثانية واهتمينا بيها هنبقى في حطة ثانية.. يعني مثلاً بقي عندنا مؤتمرات شباب برعاية الدولة، وقربنا مسافات كثير، ولو عاجلنا مشكلات زي التعليم والصحة والإسكان، ونخرنا سوس المحليات والفساد والمحسوبة والرشوة هنعبر عبور جديد".

أديب: "سيبك بقي من المواضيع اللي مش هتخلص دي وتعالى نضرب كبدة عند عز المنوفي، ولا ناصر البرنس، ولا عند الفلاح كلهم حبايبي.. حتى أنا جعان قوي وجيجي مش طابخة حاجة النهاردا".

صبري: "أنا مش هروح مكان هذا المساء.. يا أخي مفيش أحسن من أكل البيت تحس إنك قاعد وسط عيلتك.. جزء من البيت عندك.. تحس إنك عايش معاه وهو عايش معاك، وبعدين أنا معرفش أخرج إلا أما

ألبس بدلة وكرافتة وكوفية.. وبعد الأكل لازم أغسل أسناني بالفرشة
وأشرب حاجة دايت وأتمشى شوية".

هدام لهيبس: "اطلع يا عمرو".



محمود بكر..

مدحت شلبي

-دورة رمضان للسكان-

بعد الإعلان عن انطلاق الدورة الرمضانية مع بداية شهر رمضان الكريم، شارك كلاً من المعلقين الرياضيين الكبارين الكابتن محمود بكر والكابتن مدحت شلبي في التعليق على كل مباريات البطولة مناصفة بينهما، خاصة أنها أحد سكان العقار، والجميع يجب خفة ظلهم، وقفشاتهم المعهودة عنهم، وفي الليلة الختامية للبطولة قررا التعليق معاً على النهائي.

بكر: "سادتي أنسأتي سادتي، أهلاً ومرحباً بكم في نهائي بطولة سردينية في ملعب العمارة اللي أنا ساكن فيها، وبالمناسبة دي أحب أشكر

بتاع الحلويات اللي تحت العمارة على النص كيلو اللي اشتريته امبارح للأولاد".

شليبي: "مدحت شلبي يجيكم من عمارتكم المفضلة، وما بين قربي وخوفي عليك يا صاحب العمارة إيجار الملعب عليك، وصافيني مرة وجافيني مرة ما تلبسهنيش كل مرة".

بكر: "ويبدأ الماتش واللي كان في الحمام يطلع للبلكونة.. وأحب أقول له فواتير النور جت غالية قوي الشهر ده، واللي كان بيتخانق مع مراته بسبب مصاريف العيال والدروس يسيبه منها دلوقت وبرضه يتفرج علينا.. وهوبا ههههه جون الكورة جون، وعادي بتحصل في أحسن العائلات هههه".

شليبي: "هوبا يا نهاار أبيض حلوة حلوة حلوة.. شوف لي شقة جنبك يا ابني.. هما عندهم في العمارة اللي جنبنا كريستيانو.. وإحنا عندنا آرابيسكيانو، عشان حسن آرابيسك قاعد معنا في العمارة يعني ههههه".

بكر: "عارف يا كابتن مدحت أول امبارح كنت راجع بالليل لقيت باب العمارة مفتوح قفلته وأنا طالع، ويقول لك ليه بتحصل سرقة بالليل، خلينا في ماتشنا وبنشكر طبعًا مدير أمن العمارة والبواب وسواقين التكاتك الي مصدعنا ليل نهار ورئيس الحي نايم على ودانه".

شليبي: "أنا سمعت إن مجدي عبد الغني بيحوم حوالين المنطقة وعازب يبجي يسكن معانا في نفس العمارة، هنعمل معاه إيه يا كابتن بكر، عازب ياخذ اللقطة بتاعة كاس العالم هنا برضه".

بكر: "اعمل نفسك مسمعتش أيوها حاجة عن الموضوع دا، دا واحد ماشي بنظام فيها لأخفيها، والفاول بـ75 قرش، ومش دايمًا الدهن في العتافي، لما يبجي شربه كاكولا أو كوكاكولا".

شليبي: "جوووول، حلوة حلوة حلوة".

بكر: "الكورة دي أوفسايد، اللّعب مغطيه بـ10 كيلو".

شليبي: "هنشوف العالمي بعد الماتش وهو هيحللها".

بكر: "هبطل أقول ملاحظي لأن الجمهور بتاع العمارة اخترق الملعب، دا كلام، ويضربوا شماريخ وبمب".

شليبي: "ليه كدا يا جماعة! حبوا بعض، فين الوطنية؟ فين الانتاء؟ دي عمارتنا يا جماعة، عيب كدا".

بكر: "الصراحة أنا معرفش الناس دي تبع مين، شاكك إنهم مدسوسين من العمارة اللي جنبنا، دي مش أخلاق جماهير عمارتنا يا كابتن متحت".

شليبي: "عندك حق يا كابتن بكر، أنا كنت ساكن عندهم فترة ومشيت، وبرضه كنت ساكن في العمارة اللي ورانا، وقبلها سكنت في عمارة مستثمر سعودي كان عامل عروض زي حته الجاتوه ملفوفة في ورقة سلوفان، المهم لما تعزل متغيرش مبادئك".

بكر: "واحد يقول لي هو ليه الكورة بقت سيجال؟ حد يقول لي هو ليه الصفقات بقت بملايين؟ طب حد يقول لي هو ليه معندناش منتخب

قوي؟ طب ما حد يقول لي هو فين الدوري عشان ترجع الجماهير؟
بصراحة معنديش إجابات للخبطة دي يالا خيلنا في ماتشنا".

عبد الناصر زيدان: "أنا أحتج على هذه المهزلة.. أنا معايا انفراد إن فيه
لاعب من عمارة هليوبوليس، سمسرة عمارة أبو الهول خلصت فيه من
يومين بـ40 ألف جنيه تخيلوا الكارثة.. وسموها صفقة الشارع".

رضا عبد العال: "وأنا بقول لك اللاعب هيطلعوه إعاره من عمارة
لعمارة ومش هيستفادوا منه في حاجة.. دي همبكة وكلام فاضي
وضحك ع الدقون هو إحنا تلاميذ يا كابتن".

شوبير: "ليه ليه؟".

بكر: "الناس دي بتقول حاجات غريبة يا جدع بس عمومًا بنشكر
راعي البطولة إنه وفر لنا كل الإمكانيات ومأجلش المباريات.. وجابلنا
"الفار"، حتى اتحاد الملاك بقى بيحجب حكام من بره العمارة بفلوس
السكان حاجة غريبة وبيغزلونا بواحدة ع الواقف كدا ماشي هنعديها".

أيمن الكاشف: "وجول وجول وجول" ذا ماستر أوف
سسبينس" .. بس مين اللي جاب جول الفوز يا ترى.. فالأمل ليس حلماً
بل طريقة لجعل الحلم حقيقة.. كان فين يا حبيبي هواك من بدري كان
فين.. والجول دا فك عذرية شباك الخصم.. وإذا رأيت أنياب الليث
بارزة.. وياعيني على الحلويات واللطايف والقطايف".

شليبي: "ويطلق حكم اللقاء صافرة النهاية بفوز فريق مدريد
بيلدينج على برشلونة الأمورة ويرفع كاس البطولة الكابتن معتز مجدي
عبد الغني".

رضا عبد العال: "وأنا بقول لك مش هيسيينا في حالنا.. أنا ماشي يا

عم".



رأفت الهجان..

ناجي عطا الله

-جاسوس في العمارة-

بعد انتشار شائعة وجود جاسوس في منطقة مجاورة للعقار الذي يسكن فيه رأفت الهجان وناجي عطا الله، تقابل الاثنان معًا في الدور العاشر بعمارة المعلم سردينه، في محاولة لفك طلاسم غموض هذا الجاسوس، وكيف يتم التصدي له وألعيه التي تسببت في قلق بالغ لأسر العمارة.

رأفت الهجان: "هنعمل إيه يا ناجي بيه في المصيبة دي؟".

ناجي عطا الله: "إحنا لازم نخطط ونرتب أوراقنا الأول يا بطل".

الهجان: "أنا بفكر أنزل أطأس بنفسي وأتنكر في شخصية ليفي كوهين، أو أحمد العلايلي البورسعيدي، ولا عادل مرقص سيدهم

الإسكندراني، ولا رأفت علي سليمان المصري، ولا جون راد البريطاني،
ولا إيه رأيك في دانيال مارتين الفرنسي، ولا ياكوف بنيامين حنايا،
ولا أنزلهم بالتقيلة ديفيد شارل سمحون عشان المصريين يعملوا معايا
الجلسة تحت في الشارع".

ناجي عطا الله: "أنا رأيي تسييني أجمع الشباب بتوعي الشيخ حسن،
وإبراهيم ولا بلاش إبراهيم هيعاكس البنات بتوع العمارة، وتهامي،
وزاهر، وعبد الجليل، ونضال وحسام.. وهحاول كمان أجيب كاميليا
عشان أنت فاهم بقى بتوع حقوق الإنسان والحيوان والباقي أنت
فاهمه".

الهجان: "عندك حق أنا نفسي أقعد مع شريفة أختي زي زمان،
ووحشتني هيلين وعيلة شارل سمحون كلهم، هههه".

ناجي عطا الله: "بص بقى يا رأفت الناس اللي في العمارة دي
مسئولين مننا ولازم إحنا بنفسنا نقبض على الجاسوس ونخليه عبرة لأي

"بوبي" يفكر يهوب ناحية منطقتنا.. ويمكن يطلع عنده بنك ولا حاجة وأهي تبقى سبوبة، هههه".

الهجان: "يقتى لازم أتصل بمحسن محسن ممتاز آخذ رأيه، وكمآن رئيس جهاز المدينة، ولأزم أشوف مسؤل اللاسلكي وفك الشفريات وبتاع الليزر".

ناجي عطا الله: "سبب لي بقى خرايط المنطقة والمعلومات عن البوابين اللي حوالينا، وكل المحلات والناس اللي استجدت على المكان، أنت ناسي إني دبلوماسي سابق وليّ مصادري".

الهجان: "آلو، إزيك يا محسن بيه؟ عندي مشكلة كدا وقلت آخذ رأيك فيها".

محسن مهتاز: "اتفضل يا هجان.. خير؟".

الهجان: "فيه جاسوس في المنطقة ومش عارفين هو مين؟".

محسن مهتاز: "بسطة يا هجان.. اكتب بوست على الفيس بوك إن فيه جاسوس في المنطقة عندكم، هتلاقي العيال اللي اسمهم نشطاء

هيعملوا صفحات ويشيروا بوستات ويألفوا حوارات والإعلام
هيجري ورا الكلام دا وهيكر الموضوع والناس هتتهلي.. وأنا بقول
لك من دلوقت دي إشاعة مُغرضة ورجالتنا شايفين شغلهم كويس في
كل مناطق البلد وعنيهم مفتحة يا هجان، وبلغ ناجي عطا الله جارك
بالكلام دا، وقول له دي زوبعة في فنجان ولا يوسي ولا شأؤول ولا
عزرا ولا مزراحي ولا أبو جودة ولا أبو حودة يقدرُوا يخطوا خطوة على
تراب الشارع بتاعكم".

ناجي عطا الله: "أنا عارف إيه اللي بيحصل يا محسن بيه، كل الحكاية
إن دول واقعين مع دول ودول مش طايقين دول.. قوم دول عايزين
يخلعوا دول عشان يركبوا على دول.. راحوا دول ضاربين في دول.. دول
بقى جم يتحالفوا مع دول عشان يخوفوا دول.. دول يسكتوا؟!".

الهجان: "طب ليه دول ميقفوش مع دول وقفة راجل واحد ضد
دول؟".

ناجي عطا الله: "الجالسوس يهيمه إيه بقى إن دول يقعوا مع دول..
ودول يقعوا مع دول.. وكلهم يقعوا مع دول".

الهجان: "شكرًا يا محسن بيه على اهتمامك ونصيحتك الغالية يا ابن
الأكابر.. وهقول للسكان يخلوا بالهم من كل دول".

ناجي عطا الله: "إيه رأيك يا هجان طالما الجاسوس طلع فنكوش..
أنا بفكر أتبرع بالشائعات دي للعمارات المجاورة.. وأهو دول يقعوا في
دول ونخلص منهم كلهم جيران السود".

الهجان: "العمارة بخير يا ناجي بيه طول ما فيها ناس بيحبوها
ويخافوا عليها زينا وسيبك من كل دول، ههههه".



علوان أبو البكري..

الأسطورة

- الشقاوة فينا بس ربنا هاديننا -

أصيب ابن ناصر الدسوقي في إحدى المشاجرات في المدرسة، وكان السبب إنه جاوب في الفصل على مفهوم التمر، فأصحابه استقصوه واستنوه في الفسحة عشان يضربوه، وروح البيت يعيط لجدته علوان أبو البكري، ولما صعب عليه حفيده اتصل بابنه ناصر ليحضر على الفور.

علوان أبو البكري: "إيه اللي حصل يا ولدي في المدرسة، وفين المدير والمدرسين؟".

ابن ناصر الدسوقي: "العيال مش طايقني عشان أنا شاطر وبعمل كل الواجبات وبجاوب دايمًا على الأسئلة وماليش في الشقاوة والخناق وقلة الأدب بتاعتهم".

ناصر الدسوقي: "الي يضرب العيال يبقى جاب لنفسه الاغتيال..
أنا هنزل أجيب حقك".

علوان أبو البكري: "يا ابني اسمع الأول عاد، متنشفش دماغك دي
لأكسرهما كسير.. حط لسانك جوه خشمك دلوك".

ناصر الدسوقي: "العيال دي آخرها مكشوف وسقفها متحدد.. إنها
الأسطورة مالوش آخر".

علوان أبو البكري: "ملكش صالح بالحكاية دي يا ناصر دا مشوار
واعر قوي.. ولو أذينا حد هيحسبوه علينا نفر وخلص.. وأنت خابر
وائل الإبراشي ما بيصدق".

دبور: "وماله ابنك عاد يا علوان هو دايمًا شايف نفسه كدا.. الله في
سماه إحنا نقدر نظربقها على أصحابها بس إحنا بنفهموا في الأصول".

علوان أبو البكري: "واه يا دبور، اقل خشمك الحديد الماسخ دا
مش لادد عليّ خالص سييني أفكر بالعقل شوية".

ناصر الدسوقي: "أقول إيه لأمه لما تيجي هتوجع لي دماغي يابا..
افهم بقى وأنا مبحبش زن النسوان مش كل شوية هروح أتجوز
واحدة".

علوان أبو البكري: "يا ابني أنا اتجوزت لبببة ومُهجة ورئيسة الغازية
وتحمة بنت الشيخ عبد الحليم أبو عمران ومحدث قدر يفتح خشمه معاي
حتى بدري نفسه".

بدري: "قول له حاجة يا حسني بدال ما أقطع له خلاجاته دي".

حسني: "متقفلش معايا أو مال يا حاج علوان، إحنا بلديات ولا
عشان جيناع المدينة دار الزمن بينا وغرقت السفينة، حلوة ههه حلوة".

بدري: "اخرس أنت يا حسني، أنت زعلان على ابنك يا ناصر ومش
زعلان على ابني بدري لما دفعوه غرامة في المترو عشان تذكرته باظت منه
ومكانش معاه الغرامة لأن التذكرة بقت بـ 7 جنيه ومصروفه خلص
منه.. ولما اتصل عليك قلت له: بس يا بابا أنا في التجمع، ومعرفش يعتر
عليك".

علوان أبو البكري: "خلاص يا بدري، أنت هتلتحنها ولا إيه، كفاية عاد بقى".

شهد: "طب ما بدري ابن أختك وردة وقع الواد من على السلم وإحنا متكلمناش وقلنا عيب إحنا جيران".

وردة: "أنا عايزة أعاود البلد من تاني يا بدري.. أنا مش قادرة أستحمل يا حاتم".

ناصر الدسوقي: "إحنا كدا فرعنا المشكلة الرئيسية ومشوفناش حل للمشكلة الأم هنعمل إيه كأولياء أمور؟".

علوان أبو البكري: "أنا رأيي ولازم تبقى واعيلي يا ناصر في اللي هقوله إننا لازم نرد اعتبار الواد قدام المدرسة كلتها ولو معملتش كدا مبقاش علوان أبو البكري، وكم ان هخليهم ييجوا لنا المندرة بتاعتنا اللي في العمارة يعتذروا لنا".

ناصر الدسوقي: "مش حل برضه يابا.. إحنا عايزين حلول فيها وعي.. إحنا بندفع دم قلبنا كل سنة من مصاريف مدرسة للبس لكتب

لدروس لأتوبيس.. كمان عيالنا مش هيعرفوا يتعلموا أموال الناس الغلابة يعملوا إيه والفصل فيه 60 طالب، والدروس قاطمة وسطهم.. والعيل من دول ميعرفش إن أهله شايلينه بكراكبيه بهدومه بعلامه بياقات النت والاتصالات كمان".

شهد: "طول عمرك حنين يا ناصر".

ناصر الدسوقي: "عارفة يا شهد لما بفتكر الأيام دي بضحك.. كنت عيل صغير كل اختياراتي كانت غلط مش بس المدرسة اللي اتعلمت فيها.. لأ والأصحاب كمان".

عصام النور: "وأنا بكرة هعلق يافطة كبيرة مكتوب عليها "حضانة النمر" تقبل جميع الأعمار والتخصصات".

ناصر الدسوقي: "بس يا بابا".



السيرة الهلالية..

السيرة الأنصارية

– طرد ساكن من العمارة –

استنجد أحد الجيران بجاره سليم الأنصاري لينقذه من بطش مالك الشقة، لأن عقده مفتوح ويتبع القانون القديم، والمالك هدده بكل الطرق، وضغط عليه بكل الوسائل المشروعة وغير المشروعة، وعندما سأل الأنصاري عن مالك الشقة علم أنه الملك الفضل والد بركات أبو زيد الهلالي.

سليم: "إزيك يا بركات، عامل إيه؟ معاك سليم الأنصاري".

بركات: "باشا مصر".

سليم: "إيه اللي أنا سمعته دا.. هو صحيح أبوك عايز يطرد الساكن

من الشقة؟".

بركات: "ابقى عدي عليّ نeced شوية وأنا أفهمك".

سليم: "أنا مش هاجي أتضايف.. الموضوع دا يخلص في ظرف 24

ساعة".

بركات: "إحنا هنبدا نحل الأمور بالقفش من أولها! استهدى بالله

ومحلولة إن شاء الله".

سليم: "كدا أنا مسكت أول الخيط، مستنيك عندي في الشقة".

بركات: "سكة أبو زيد كلها مسالك يا أنصاري".

سليم: "وأنا مش هسيبك إلا أما أعرفك مين هو سليم الأنصاري".

بركات: "عشان خاطر أمي الست خضرة الله يرحمها، أنا مقدرش

أزعلك يا سليم بيه".

سليم: "كدا عداك العيب وأزح.. إيه بقى سبب المشكلة؟!".

بركات: "التشريعات يا سيدي كل شوية يقول لك هناقش هنقر

هنصدر ونفضل إحنا أصحاب الأملاك متضررين لأننا ماجرين من

عشرات السنين بـ 3 جنيه الشقة و5 جنيه المحل، والمستأجر برضه

متضرر لو اتطبق القانون الجديد على حد علمي وقرائتي للجرايد وزي
ما بيقول الخبراء إياهم".

سليم: "بس أنا عندي معلومة بتقول إن فيه واحد اسمه عاكف
عاكف الجبلاوي ورا الموضوع دا".

بركات: "فاكر أنت علام؟ عاكف دا من سلساله وياما خضنا
ملاحم ضد الخليفة زناتي وعلام ودحلان.. أصلاً إحنا من نسل عبد
المولى الي كانوا بيملكوا قصر عابدين".

سليم: "يا عم إحنا مش جايين نتكلم على أمجاد، خرينا في مشكلتنا،
ها هنعمل إيه؟ الراجل مش عارف ينام هو وعياله.. وواحد زي زناتي
أكيد بينخرب وراهم عشان يعمل أي سبوبة.. أنا هكلم صلاح
الطوخي".

بركات: "اديني أنت بس فرس وسيف وأنا أقدر على أي معتوه..
بس لازم أواجههم بعد ما آخذ إذن الإنزال من أبويا الملك فضل
سابقاً".

عاكف عاكف الجبلوي: "أنا واعر قوي يا بتوع السيرة الهلالية

والسيرة الأنصارية أنتم الجوز".

صلاح الطوخي: "اهدا اهدا يا سليم.. أبو زيد هيفضل معنا يا عمارة

يا مجمعانا".



الرجل المستحيل أدهم صبري..

الهفتش كروهوبو

-توكتوك اتسرق من الجراج-

في إحدى الليالي حالكة السواد تسلل إلى جراج العمارة شخص ليسرق توكتوك، ومع بزوغ خيوط فجر يوم جديد، تفاجأ حارس الجراج باختفاء توكتوك محمد الأسيوطي، الذي يعمل عليه ليقطات به هو أسرته الصغيرة، وفي الحال اتصل عم سيد بالرجل المستحيل ومفتش العمارة، حتى يتمكنوا من حل اللغز، وإرجاع التوكتوك للجراج قبل أن يأتي صاحبه وتتفاقم المشكلة.

الهفتش كروهوبو: "قول لي يا عم سيد إيه اللي حصل بالظبط؟

وحاول تتمالك أعصابك شوية.. وأدي كمان الرجل المستحيل جه".

أدهم صبري: "قد يكون استيقظ "عم سيد" على صوت أزيز متقطع، وضغط على زر صغير فأضاء شاشة مصغرة على الزر، ثم اتصل بي، وقال بصوت ناعس: "اصحى يا أدهم بيه.. الحقني بسرعة"."

كرومبو: "وأنا معدي امبارح بالليل من قدام العمارة لقيت حركة مش طبيعية، ودخل الشك لقلبي وقلت فيه حاجة هتحصل الليلة دي.. وبالفعل اللي اتوقعته حصل".

أدهم صبري: "هؤلاء هم غزاة العمارة الجدد لا بد أن نتحرى عنهم، لأن الغموض الذي يُغلف هذه الجريمة النكراء يجب أن ن فك طلاسمه ونحتاط، لأن مجرتنا وحدها تحتوي على ملايين من الكواكب والشموس، ونحن لسنا سكان الكوكب الوحيدين.. هذا مناف تمامًا للأسلوب العلمي في التفكير.. ويجب أن نستقل أحد التكاتك التي في الجراج وهي ستدلنا على السارق يا كرومبو".

كرومبو: "ولما عدينا على عم جمال الفكهاني وسألناه مين آخر توكتوك عدى من هنا قال: "بصراحة يا بيه كل يوم بيعدي علينا تكاتك

أشكال وألوان لا إحنا عارفين مين سايق ولا مين راكب.. وأكد بنشوف عيال بيخطفوا شنط وساعات عيال بالمدعوقه التكاتك دي"، ولما سألت أحمد بجة صاحب كشك السجاير الي على الناصية قال: "بص يا كرومبو باشا متآخذنيش يعني يا أدهم باشا برضه العيال السيس هنا كثير، واللي رايحين جاينين حوالينا ما بين بيدوروا على مُمكنة لا مؤاخذه يضربوا فيها، أو بيعاكسوا البنات، أو عندهم فراغ ومش عارفين يعملوا إيه"، ولما سألت عم عرفات صاحب قهوة وصلني شكرًا قال: "الواحد من ساعة ما الشغلانة بتاعة التكاتك دي لمت.. والقهوة بقت بتشغي ناس معرفهاش يا سيادة المفتش، وبقيت بشك في كل واحد بيدخل عليّ دخلة إنه صاحب توكتوك تقولش شغال في أوبر ولا كريم ولا حتى ديليفري في كنتاكي".

أدهم صبري: "إحنا كدا هنلجأ لاستخدام علم الفثيونمي، آآه منكم أيها السكان، فالفثيونمي هو علم الملامح البشري - بعضهم يسميه الفسيونومي، وآخرون يسمونه علم الفراسة، ويحلو للبعض تفسيره بأنه معرفة مزاج الأشخاص وأحوالهم النفسية عن طريق قراءة شكلهم

الخارجي ووجوههم خصوصاً، وهو قراءة الوجه في 60 ثانية، والفراسة أساس هذا العلم، وكشف الكذب، وهناك أربعة أقسام، الشخصية العادية، القلقة، السيكوباتية، وصاحبة القدرات العقلية المنخفضة، وقد نلجأ إلى طريقة "قراءة البرنوسولوجي" وهي تحليل ردود الأفعال عن طريق الوجه، كطريقة معتمدة في بلدان العالم، وخصوصاً في المحاكم بنسبة نجاح 90٪ لنكتشف من خلالها السارق يا أيها المفتش العظيم".

كرومبو: "أنا خلاص كدا عرفت مين اللي سرق التوكتوك يا كابتن أدهم.. لو حد من السكان عرف أو الناس اللي في الشارع يسبب لنا الإجابة في صندوق العمارة اللي مع حارس الجراج وإحنا هندي له مكافأة بعد القبض على المجرم".

أدهم صبري: "في حقبة ما كنا نود أن نصعد إلى الفضاء، والآن كل طموح الناس وبعض العلماء أن يخرجوا من محنة المرور والحوادث والسرقات، لابد أن يكون هناك لمحة من عالم الغد، وصفحة جديدة من الملف الخالد ملف المستقبل.. وغداً سيقودنا توكتوك المستقبل".



سامية الإتربي..

إسعاد يونس

-مقهى صالون السعادة-

على ناصية العمارة يوجد مقهى شهير تتسم جدرانها بالعراقة، يمتلك هذا المقهى الذي تحول بالفطرة إلى صالون للثقافة والفن والإبداع لصاحبيه سامية الإتربي وإسعاد يونس، واللاقي يحرصان يوميًا على استضافة واستقطاب الشخصيات المؤثرة في كافة المجالات لإحياء التراث، والحفاظ على ما تبقى من نسيم الماضي وزهوة الحاضر.

الإتربي: "وحشتيني يا إس إس، هنستضيف مين النهاردا عندنا في القهوة عشان نحكي الحكاوي؟".

إسعاد: "أنتِ أكثر يا حبيبتي.. أنا فكرت في شخصيات كثير، لكن لسة ما استقرتش على حد".

الإتربي: "إحنا استضفنا شخصيات كثير في المقهى عندنا ومن كافة المجالات".

إسعاد: "فعلاً.. إحنا بنحاول نلقي الضوء على الناس اللي تستحق ونكشف كواليس الناس للناس".

الإتربي: "أنا فاكرة حوار ليّ شهير مع أول طيبة وأول مدرسة مصرية، وكمان طباحين الملك فاروق والملك فؤاد والوالدة باشا، ولقائاتي هنا في القهوة مع الرئيس متقال والشيخ ياسين التهامي ومحمد الشويحي وغيرهم من الفنانين الموهوبين بجد يااااه يا إس إس إس".

إسعاد: "أحلى أيام يا قلبي.. فيه حاجات تشبه لدي أنا عملتها برضه.. يعني أنا قعدت مع أشهر شخصية في العالم، وكمان أكلت من إيد أشهر ناس بيعملوا الأسماك واللحوم والمشويات والمقليات والحلويات.. ومقولكيش ع الأكل الشعبي الفول والفلافل والكشري والحواوشي والمبار ولحمة الراس.. وجالي في الصالون هنا هاني شنودة وعمر خيرت وحميد وتامر حتى فرقة الأصدقاء جبتها".

الإتربي: "الله ينور عليك يا إس إس، كمان أنا حاولت أناقش في حكاوي القهراوي هنا مشاكل وظواهر زي الهجرة والطلاق وغيرها، واستمتعت بحواري مع سائق البشاوات والأمراء، وله جملة شهيرة قالها لي "اللي ميقولش يا باشا يروح السجن"، غير الراجل الخارق، وراجل ميت، وأكل الزجاج، ومجموعة الأقرام، وعباس فؤاد أشهر عازف بفرقة أم كلثوم، وفرقة حسب الله، وقعدت مع أصحاب مهن زي المنجد والصيد والمزارع".

إسعاد: "فكرتيني صحيح، أنا حاولت كذا مرة أجيب الناس أصحاب الأسامي التجارية القديمة وإزاي منتجاتهم اتعلق بيها جيل بحاله، وكنت بتك قوي على منتجات الشركات الوطنية، وقعدت مع راجح داوود اللي اختاروه ضمن خمسة عشان يألّف النشيد الوطني الموريتاني، ومع ملوك الكاسيت عاطف منتصر وطارق عبد الله ونصر محروس ومحسن جابر، حتى اللي كانوا بيعملوا إعلانات جبتهم هنا الصالون".

الإتربي: "إحنا الكلام خدنا يا إس إس ومعرفناش مين هما ضيوف النهاردا.. ما إنت عارفة "القهوة عالم بحاله قايم.. فيه اللي قاعد جنب اللي هايم.. وفيه تلاهي وفيه عبر وفيه تلاقي كل البشر".

إسعاد: "خلاص لقيتها، إحنا نعيد الحوار اللي قولناه دا للناس اللي هتشرنا في "مقهى صالون السعادة"، وهتبقى مفاجأة حلوة جدًا، خاصة لسكان العمارة والناس اللي بيترددوا علينا ومتابعينا من المنطقة".

الإتربي: "تسلم دماغك يا إس إس".



مهفد فوزي..

سبد أبو حفظة

- بىكاوشطة جبران جداد-

تفاجأ الإعلامى مهفد فوزى بعد تسرب معلوماء له تؤكد أن اثنين من مشاهير السوشىال مئدبا والىوتوب سىوقعان عقد إىجار شقة بنفس العمارة التى سىكن فىها، أعرب فوزى عن استياءه من تلك المهزلة على حد وصفه، وقرر اللجوء إلى جاره فى نفس الدور سبد أبو حفظة، لىشتكى له من الفاجعة التى قد تفتك بالأيام الحلوة التى عاشها داخل جدران هذا المبنى.

مهفد فوزى: "أخى وصئدقى أبو حفظة، إزىك وإزى أحوالك؟

طمنى على حدىث العمارة".

أبو حفيظة: "في البداية الحمد لله طبعًا على كل حال.. لكن أنا مستغرب بصراحة سؤالك المتكرر عن أحوال العمارة، بتقفلني ليه ع الصبح يا عم مفيد.. وفعلاً أربع فرخات ودجاجة ومحدث فاهم حاجة".

مفيد فوزي: "تسمح لي أخرجك وأعرفك إن فيه مصيبة كبيرة هتحصل في العمارة الأيام اللي جاية وإحنا نايمين على وداننا والمسئولين كمان مكبرين الجمجمة على الآخر".

أبو حفيظة: "خير قلقتني! إذا كنت هتكلمني عن الأسعار والجو الساقعة نار والجمارك والمطار وسعر عربيات الخضار والحفلة اللي كان فيها الراقصة والطيار والسايح اللي طلع البُرج من غير غيار.. يبقى أنا هنها".

مفيد فوزي: "لو علم الدكتور توفيق عكاشة أن مثل هذه المهزلة ستلحق بالعقار الذي نقطن فيه لتحرك فوراً وأعلنها صريحة ومدوية أن هؤلاء المشار إليهم بالبنان "بيكا" و"شطة" طابور خامس ويهددون

القوى الناعمة للعمارة.. ولا بد من التصدي لهم بكل قوة وبسط نفوذ اتحاد الملاك على مالك الشقة التي سيؤجرها لهم".

أبو حفيظة: "يا عم مفيد أنت مكبر الموضوع ليه! هما بس ييجوالي وأنا أشربهم شاي بالياسمين أو ليمون بالنعناع أو حتى حلبسة بالمكسرات، وهتشوف نتيجة دا على قرارهم، وكل دا هيبقى في السكلانة صدقني".

مفيد فوزي: "أنا لا أستهين بمثل هذه المواقف.. علينا أن نتحرك ونُنهي هذا الأمر برمته.. ونضع مواصفات من قبل مختصين لاختيار نوعية الجار قبل أن يوقع عقد في ظاهرة إيجار شقة محدد المدة، ولكنه للأسف هو إيجار عقول مفتوح المدة يا سيد أبو حفيظة".

أبو حفيظة: "طب أنا عندي حل، إحنا نحط الانشكاح في الرياح، لأنه واضح جدًا إن الشتاء جاي هجوم زي الدولار لما تقع منه الهدوم.. والمترو لما ينزل منه الركاب بالزرووم، فأنا هكتب للسكان على جروب الواتس، اللي عنده في الدولار كلسون زي اللي عنده في البنك

مليون، وياريت نسمع مصطفى كامل أقوى من الأيام عشان نقدر نكمل في الظروف الصعبة دي، وأحب أقول للعيال الصغيرة اللي قافلين تحت باب العمار "الع ب يلا في المدخل يلا"، وأسعد الله مساءكم من جديد".

هفيد فوزي: "الناس في العمارة يتحاورون يتساءلون.. تسمح لي أسألك تسمح لي أنط في كرشك، وأريد أن أوضح أنني لست ضيفك أنا ضيف السكان، وبمتهى الصراحة بقولها إن هناك أبناء لنا في العمارة كنت أتحدث معهم في كل مرة من غير مناسبة، النهاردا فيه مناسبة إن المدعو "مجدي شطة" جاي يسكن معاهم هو واسمهم إيه دول "الفانز" بتوعه، و"حمو بيكا" لما عرف قرر ييجي يسكن في نفس العمارة عشان ياخذ الفانز بتوع شطة منه.. هذه مهزلة تحتاج إلى وقفة جادة وحاسمة".

أبو حفيظة: "وأنا عايز أوجه رسالة لسواقين الميكروباصات اللي مالين الشارع تحت.. بلاش تحطوا عبارات زي "عملت عصفور كلوني.. عملت أسد احترموني"، و"اتنين ملهمش أمان أزارو ووليد سليمان" شعور الزملاوية يا جماعة، والجملة إياها لبتوع التاكسيات

البيضا اللي بيقولوها كل أما يشوفوا واحد ولا واحدة ولا أسرة ماشية
"تاكس.. تاكس" أنت بتعرفنا بنفسك يعني.. مش فاهمك بصراحة..
وياريت تبطلوا سرينة المقطورة اللي بتحطوها دي بتزعجنا وتعملوا
بسببها حوادث ارحمونا شوية.. دا المعلم أبو حميدة لو عايش هو
و"نورماندي تو" مكانش رضي باللي بيحصل فينا دا حرام عليكم كدا
معندكمش أخوات تكاتك".



حسن حسني..

بيومي فؤاد

-اكتشاف مواهب العمارة-

في لوحة إعلانات العمارة تم الإعلان عن تنظيم مسابقة اكتشاف مواهب فنية لأطفال العمارة، وتبرع بكل التكاليف الجاران حسن حسني وبيومي فؤاد، والمسابقة بعنوان "حسن وبيومي واكلىن إندومي"، وعاملين إيموشن بيضحك.

حسن حسني: "إزيك يا بيومي؟ فاضي شوية ولا عندك شغل كالعادة".

بيومي فؤاد: "أنت مفروض تفهمني من أول نظرة يا عم حسن إحنا بقى بيننا عشق بالفطرة".

حسن حسني: "يا سلام يا أخويا! بطل غلبة.. هنعمل إيه في مسابقة العيال بتوع العمارة؟!".

بيوهي فؤاد: "أنا عندي شوية مقترحات لكن تفتكر هنلاقي مواهب أصلاً في الجيل دا؟".

حسن حسني: "أنت حد جميل يا بيومي أفندي"

بيوهي فؤاد: "وأنت حد واتنين يا عم حسن هههه -احم احم- نرجع لموضوعنا".

حسن حسن: "إحنا هنقسم المسابقة لشقين شق من سن 3 سنين لـ 10 سنين، والشق الثاني من سن 50 وأنت طالع".

بيوهي فؤاد: "لا مؤاخذه بس يا عم حسن.. هو ليه مفيش سن 80، ههه، بهزر طبعًا، خلاص اتفقنا".

حسن حسني: "أهلاً بأبنائنا اللي منورين العمارة والناس المحترمة اللي شرفونا واللي اشتركوا في المسابقة.. وهتنطلق المسابقة بعد إعلان الأستاذ بيومي فؤاد عن فروعها".

بيروي فؤاد: "احم احم، هي فروع ولا أوراق، إحنا عاملين مسابقة في جنينة ولا إيه يا عم حسن.. ما علينا.. أهلاً بيكم طبعاً والمسابقة مكونة من 3 فروع وورقة شجرة ههه، لا دي قلشة رخيصة، الفرع الأول التمثيل، الفرع الثاني الغناء، الفرع الثالث يقفل الساعة 2 شغل بنوك بقى هههه- برضه دي قلشة رخيصة معلش استحملوني- الفرع الثالث الرسم، ومحتاجين سكرتيرة.. هو أنا بصراحة اللي محتاجها تفك القاعدة الناشفة دي".

حسن حسني: "اتفضل يا حبيبي، اسمك إيه؟".

الهوهبة: "اسمي مودي ساكن في الدور الرابع وعندي 7 سنين وبحب أغني".

حسن حسني: "هتغني لنا إيه؟".

الهوهبة: "فرتكة فرتكة وكوكتيل مهرجانات".

بيروي فؤاد: "مفيش مانجة فريش أو موز باللبن فتلة، احم احم.. ماشي دوس يا مودي".

الموهبة: "فرتكة فرتكة ع الطبله وع السكسكة.. العب يلا ارقص
يلا هبل يلا.. أنا مش هفية أنا بتقطع من جوايا ونسيت طعم الفرح..
سألت كل المجروحين.. اللي له قرش مبينامشي".

بيوري فؤاد: "قرش إيه بس! أنت هتحبسنا شكلك.. برافو يا حبيبي
روح اقعد مكانك.. الموهبة اللي بعدها".

الموهبة: "أنا إلهام عندي 9 سنين وبحب أمثل ونفسي أروح
مهرجانات زي طنط رانيا يوسف وطنط سما المصري".

سما المصري: "طنط مين يا روح خالتك! أنا لسة آنسة ومش مرتبطة
وبحب أنزل صوري على إنستجرام عشان أشوف عريس".

حسن حسني: "خلاص ياختي متتحمقيش قوي كدا، خليّ البت
تمثل".

الموهبة: "هعمل دور صافيناز في فيلم مش فاكدة اسمه دلوقت".
بيوري فؤاد: "ششش صافيناز إيه يا بتتي! روحي اقعدي.. عمك
أحمد السبكي يزعل مننا.. دا ساكن في العمارة اللي في وشنا".

حسن حسني: "الموهبة اللي بعدها حد بيعرف يرسم أو يعزف أو مذيع أو بيقدم أي نوع من أنواع الفنون".

موهبة: "أنا يا فنان عندي موهبة، اسمي عبد القادر وعندي 54 سنة وبدور على نص فرصة من زمان".

بيومي فؤاد: "طب ليه مجربتش تاخذ فرصة ومعها كوباية شاي عالريق هههه، بهزر معاك متقفش كدا، اتفضل ورينا إبداعاتك".

الموهبة: "بللم بللم لا لا.. بللم بللم لا لا.. تي رار رار".

حسن حسني: "خلاص عرفتك، كفاية كفاية".

الموهبة: "حرام عليكم، ادونا فرصتنا بقى".

بيومي فؤاد: "والآن سنعلن اسم الفائز بالمسابقة الأولى لعمارة سردينة".

حسن حسني: "الفائز هو عبد الله عمرو دياب".

هاني شاكر: "مبروك يا قلبي، ألف مبروك".

فيفي عبده: "5 مواااه يا حبيبي، سلم على بابا".

شيرين: "كنت عارفة".

تاهر حسني: "عرفت اللي فيها".

شعبان عبد الرحيم: "هما قالوا لي فيه مسابقة هنا قلت آجي.. فين

بقى هي المسابقة!".

مصطفى كاويل: "كانت أيام وعدت كانت مسابقة وفاتت.. كان

باقي لنا حبة إفيهات وماتت".



نيللي وشيريهان..

نيللي وشيريهان

-خناقة الفيس بوك-

طرقت نيللي الصغيرة الباب على نيللي الكبيرة لتطلب منها قلم روج، فرحبت نيللي بها، ورن جرس الباب فجأة فإذ بشيريهان الكبيرة تدخل وتوجه لهما دعوة لحفل عيد ميلاد ابنتها، وطلبت من نيللي الصغيرة تعزم شيريهان أن تيمتها.

-وللتمييز بينهم، أطلقت نيللي الكبيرة عليها اسم "نيللي فوازير"، والصغيرة اسم "نيللي الدلوعة"، وشيريهان الكبيرة "شيريهان"، والصغيرة اسم "شيري".

نيللي فوازير: "إزيك يا نيللي، عاملة إيه في الدراسة؟".

نيللي الدلوعة: "أوف ع الفصلان يا طنط I HOPE SO

"SUCCES".

شيريهاان: "وانتِ أخبارك إيه يا شيري، وأخبار شغلك؟".

شيري: "أهي ماشية، عاصرة على نفسي لمونة وبدعس على شغلانة

تانية".

نييلي فوزاير: "أنا جيت سكنت هنا عشان شيريهاان حبيبة قلبي معايا

في نفس المكان".

شيريهاان: "ربنا ميحرمينش منك يا قمره، دا اللي بيننا حاجات

ومحتاجات مش عالم ورق".

نييلي الدلوعة: "على فكرة أنتم OVER قوي، دا أنا نفسي أعزل

بس NO WAY يعني هعمل إيه".

شيري: "طب أنا هستأذنكم عشان هقوم أغسل المواعين وآخذ

الهدوم فومين عشان تلقاها كمكمت".

نييلي الدلوعة: "إنْتِ فعلاً يا شيري كائن لزوج ومُشل ومُعصب..

حد يسيب العساسيل دول ويقوم!".

نييلي فوزاير: "إنْتِ اللي جميلة يا نونا، تحبوا تشربوا إيه؟".

نيللي الدلوعة: "أي DRINK ومعاه مية سقانة".

شيري: "هههه، وأنا هاخذ شاي خمسينة بالنعناع من فضلك".

شيريهان: "أنتم ليه عاملين زي ناقر ونقير كدا! بتفكرونى بأيام زمان أنا ونيللي حبيتي".

نيللي الدلوعة: "أنا هاخذ سيلفي معاكم وأعمله على سناب شات وإنستجرام بتاعي ناو".

شيري: "وماله الفيس بوك يا دلوعة هانم! بقى بتاع الغلابة خلاص!".

شيريهان: "من الحاجات اللي بقت بصراحة مبالغ فيها إننا بندخل السوشيال ميديا في كل تفاصيل حياتنا.. يعني حد عنده برد يكتب "أنا بموت"، حد عربيته اتحدثت ينزل صورة للعربية ويقول "قدر الله وما شاء فعل"، واللي كل دقيقة صورة جديدة للبروفایل".

نيللي فوازير: "يووووه دا غير موضوع البوستات الغربية والصفحات الأغر ببتاعة لو معملتش لايك يارب تتشل، غير الناس

اللي بتبتز الناس على واتس آب بالشات الخاص اللي بينهم لو كان محتواه غير لائق أو قليل الأدب".

نيللي الدلوعة: "وير إيفر.. أنا شايفة إن التكنولوجيا بتطور عشان إحنا نستمتع بيها مش نأذي بعض بيها، دي ناس مريضة أساسًا، وأنا بشوف في السوشيال ميديا حياة تانية، لكن أنا مثلاً مش بضيف أي حد وخلص، خاصة بتوع "هاي ممكن نتعرف"."

شيربي: "جدعة يا بت يا نيللي هبقى أبعثلك إضافة".

نيللي الدلوعة: "ثانكيو.. بس برضه هعملك بلوك لازم يبقى بيننا
"SPACE".

شيربيهان: "فيه كمان برامج وتطبيقات عجيبة جدًا زي ميوزيكلي وبيجو وحاجات تانية مش فكراها فيها تجاوزات ومناظر مُحلة وغير لائقة بالمرّة ومعظمهم شباب وبنات في سن المراهقة ويمكن أصغر.. إحنا آه عملنا فوازير بس كانت ليها هدف ومضمون وبنليس بحساب".

نيلى الدلوة: "عارفة أنا اللي بي فصلني يا طنط شيريهان لبس البنات العجيب بتاع اليومين دول".

شيرى: "يا بنتى مالناش دعوة بحد أنا اتحنقت منك يا بت إنت، على قد لحافك مدرجلك".

نيلى الدلوة: "أنا مثلاً لازم أظبط لى جزمى بيجاماتى مكياجى إكسسوارى وأوبشن تانية مهمة.. افرضى أنا عايزة ألبس دريس سكرىبت.. بانز.. هو أى لبس متركب على بعضه وخلاص أنا بعرف أقرأ ال PEOPLE على فكرة من طريقة لبسهم".

شيرى: "فعلاً الفيزون والبادي كارينا بيأطواع الجسم مع إن أمينة شلباية قالت متلبسوش مبطن وتخرجوا بيه، خاصة فى الحفلات الكبيرة حتى لو كان ع الموضة".

شيريهان: "طب شغلى حلقة من بتوع فوازير زمان يا فنانة".

نتر الفوازير: "قاعدن ليه ما تقوموا تروحوا".



إبراهيم نصر..

رامز جلال

—مقلب بواب العمارة—

من مفارقات القدر أن يسكن رامز جلال في الشقة المقابلة لإبراهيم نصر، وبعد مقابلات عديدة بينهما قررا خوض تجربة لمقلب جديد في سكان العمارة.. ما تيجوا نشوف.

هيها: "إزيك يا رامز، لسة بتعمل مقالب في الناس؟".

رامز: "حبيبي يا عم إبراهيم يا معلمنا الهزار والضحك على أصوله".

هيها: "يا ابني اللي أنت بتعمله دا مش مدرستي خالص".

رامز: "أنت الجامعة يا كبيرنا هههه.. وفي حدود علمي اللي بنى مصر

كان ف الأصل حلواني ياعم إبراهيم".

هيها: "طب بما إننا ساكنين في العمارة دي عايزين نعمل مقلب في السكان".

راهز: "جيت لي في ملعبى يا كبير، أنا جاهز إيه رأيك نعمل "رامز وهيما بيلعبوا بينا" .. أو "زكية زكريا ورامز راكين عربية" .

هيها: "يا ابني هس بس، اسمعني الأول إحنا مش هنعمل مقلب نضحك بيه الناس ع الناس .. إحنا هنعمل مقلب نوعي بيه الناس".

راهز: "مادام معاك يا عم إبراهيم أنا أرمي نفسي في النار قصدي في البحر قصدي تحت الأرض ولو حتى في الجو".

هيها: "لو مسكتش هجيب لك الزعبلأوي أو بيسو خطيبي، اوعى، بصوت زكية زكريا هههه".

راهز: "طب إيه نوع المقلب الإيجابي؟! رسيني يا كبير".

هيها: "بص .. أنا هلبس عربجي وهعدي من قدام باب العمارة ومحمل "زباله ورتش وشكاير" وهرميها قدام المدخل، وأنت هتقعد

تراقبني من بعيد وتدخل في الوقت المناسب وتقول لهم كنا بنشوفكم هتعملوا إيه!".

راهز: "قشطة، وأنا هحضر المقدمة "أعزائي السكان في كل شقة.. أعزائي المشاهدين في كل بلكونة، السلام عليكم ورحمة الله وبركاته.. وربنا ما يقطع لنا عادة ولا يجرمنا منكم ولا يجرمكم مني.. ويارب يقدرنا على فعل الخير وكتر يارب من اللايك والشير.. وابدنا عن أذية الغير" .. حلوة الصيغة يا عمهم؟!".

هيها: "برافو عليك يا رامز.. وأنا هنزل أأجر عربية كارو وحمار وأعمل المكياج.. وأنت اسبقني على القهوة اللي قدام العمارة".

راهز: "طب إيه يا عم إبراهيم بقالنا ساعتين قاعدين ومحدش اتحرك.. هنعمل إيه؟ أروح أرمي صواريخ في الزبالة عشان الناس تتلم".

هيها: "مش عارف إيه السلبية اللي بقت في الناس دي! والزبالة بقت مالية الشوارع.. استنى كدا فيه واحد ظهر هناك أهو وشكله هيجي يمस्क فينا".

هاني رمزي: "إيه رأيكم في المفاجأة دي فيه حد من السكان سرّب لي
الفكرة وقلت أحرق لكم القلب.. وفعلاً واضح إنه اتحرق دمكم ع
الفاضي، هههه".

رامز: "بعد إذنك يا عم إبراهيم أنا رايح أحضر برنامج رمضان
2019 "رامز عزل من العمارة"."



طهطر..

فاهيتا

-بوتيك شارعنا-

في إحدى محلات العمارة افتتح الجاران طمطم وفاهيتا بوتيك شارعنا، وفي يوم الافتتاح تم عرض كل البضائع الموجودة في البوتيك الصغنى لزبائن العمارة والشارع، ولكن حدث ما لم يتوقعه أحد!

طهطر: "مبروك علينا البوتيك بتاعنا يا طنط فاهيتا".

فاهيتا: "طنط! هو عشان أنا أرملة بقيت طنط، أنا لسة حلوة وألف راجل يتمناني".

طهطر: "خلاص متزعليش يا فهوته، إنت جميلة خالص".

فاهيتا: "ميرسي يا عسولة وربنا يكرمنا في الافتتاح ونلم اللي اتبعتر".

طهطم: "إن شاء الله البضاعة هتعجب الزباين".

فاهيتا: "ولا متعجبهمش، هما أصلاً ميستاهلوشي".

طهطم: "وبنتك كارا اتأخرت ليه؟! أنا قلت لطهاطم إنها جاية

وفرحت قوي".

فاهيتا: "ياختى يهدك، دي بت فطيعة قوي ومبتسمعش الكلام

وحشرية".

طهطم: "بصراحة هي بتفكرني بزيزي بنت طنط شفيقة".

فاهيتا: "فعلاً تحسي إنهم فولة واتقسمت نصين".

طهطم: "إيه اللي جاب زيكا وزيكو دلوقت؟! أكيد هتحصل مصيبة

من مصاييهم، ربنا يستر".

فاهيتا: "ولا يقدرُوا يعملوا حاجة دا أنا أتصلهم بمحمد رمضان

قلب الأسد يجيب عبده موته وييجي ياكلهم، شوفت فورمة عضلاته

الأخيرة في كليب نمبر وان".

طهطم: "سمعت يا طنط فاهيتا عن موضوع تصدير القطط

والكلاب؟ طب إحنا اشترينا أكل للحيوانات دي هنعمل فيه إيه

دلوقت، وزمان كنا بندعي لتعايش الحيوانات مع البشر في حارة مصرية بسيطة، تُشبه بيوتنا وأهالينا".

فاهيتا: "يهدهم يا طمطم يا بتتي، تقريباً عندهم مخزون كفاية من لحم الحمير والكلاب عشان كدا قالوا نفتح باب التصدير بقى".

طهطم: "معلش ركبي التوكة دي يا طنط فاهيتا لطماطم".

فاهيتا: "عايزة أعمل رف مكتوب عليه "للبالغين فقط"".

طهطم: "ليه يا طنط فاهيتا؟ مش عايزين إيجاءات جنسية خادشة للحياء".

فاهيتا: "طب إيه رأيك نعمل عرض عشان الفلنتينو، "اللي هيشترى دبذوبة.. ندي له شرشوبة"؟".

طهطم: "يا أبله فاهيتا البيوت المصرية معظمها ماشي بالستر، مين هيشترى دباديب غير الشباب والبنات المايصة يبقى هيعملوا إيه بالشرشوبة!".

فاهيتا: "طب ما نعمل مسابقة ونخلي الهدية "مخدة عليها صورتي" وهخلي سُنباطي ونهاوند يعملوها".

طهطم: "شفت يا أبلّة، اتصلوا بيّ بيقولوا لي بوجي أكل من الشارع
وبطنه بتوجعه".

فاهيتا: "ياختي ما هو عمرو أديب اللي عمال يجيب عربيات أكل
عنده ويُلغ.. فالناس فاكرة إن كل أكل الشارع زي بعضه، ياختي كُبة".

طهطم: "أنا كدا هأجل الافتتاح ليوم تاني، لازم أروح أشوف
بوجي وأتطمّن عليه".

بوجي: "حرمت أملاها قوي تاني.. حرمت أزلط، آه يا بطني، من
أكل الشارع تاني.. حرمت يا طمطم حرمت".



جدو شكشك..

عم شكشك

-كراكيب للبيع-

في شرفة العمارة بالدور الأول، يطل يومياً جدو شكشك لمتابعة دفتر أحوال الشارع والجيران، ولكن ابن ابنه عم شكشك دائماً ما يعترض على طريقة تفكير جده، وتحدث بينهما مشادات دمها خفيف.

جدو شكشك: "أنت يا ولا.. أنت يا ولد ياللي بتلعب بلاي ستيشن في المحل الي قصاد البيت سايب مذاكرتك ليه؟!".

لاعب البلاي ستيشن: "أنت مين يا عم الحاج أنت! ادخل جوه متفصلناش".

جدو شكشك: "يا ولد يا شكشك هات العصاية يا ولد".

عمر شكشك: "إيه في إيه؟ حصل إيه وليه؟ في إيه يا جدو يا حبيبي!"

جدو شكشك: "العيال مبيروحوش مدارسهم وقاعدين طول اليوم على القهوة اللي قصاد العمارة".

عمر شكشك: "ما هو دا من نوعية شاب صغير بس يحير.. كلامك فيه عمق يا جدو".

جدو شكشك: "تعالى يا ابني ندخل نتفرج على بكار.. ولا نلعب بنك الحظ.. ولا على برنامج أمانى وأعاني ولا عالم الحيوان.. ولا أقول لك نشوف الجائزة الكبرى أو العلم والإيمان لأن تفسير الشعراوي بيحجي يوم الجمعة.. طب مفيش برنامج الكاميرا في الملعب؟!"

عمر شكشك: "بكار إيه يا جدو! دا ميعاد برنامج ذا فويس كيدز.. ولو عايز رياضة افتح هتلاقي الكباتن والمحللين فاتحين من العصر للفجر عادي".

جدو شكشك: "يعني إيه ذا فويس دا يا شكشك يا ابني؟".

عم شكشك: "دا برنامج لاكتشاف المواهب الغنائية من أطفال الوطن العربي".

جدو شكشك: "هي مشاكل الوطن العربي خلصت وبقوا بيكتشفوا مواهب كمان".

عم شكشك: "بلاش نتكلم في السياسة يا جدو، أطلب لك بيتزا؟".

جدو شكشك: "لا، أنا عايز أشرب حلبة حصى".

عم شكشك: "هيجيب لك حلبة منين دلوقت يا جدو؟ أصل أنا ابني خد مني المعاش وصرفه على مراته اللي أنا مش عارفها يا عارف.. معلى اندمجت نحسبك علي ربيع ولا حمدي الميرغني بتوع مسرح مصر".

جدو شكشك: "عارف مين؟ بلاش الأسطوانة المشروخة دي يا شكشك يا ابن ابني لأجيب لك العصاية".

عم شكشك: "كنت امبارح يا جدو في مدينة نصر ورجعت في ساعتين وتلت بسبب الزحمة".

جدو شكشك: "إحنا بنشتكي من الزحمة والمرور من سنين والعربيات بقت أكثر من النبي آدمين".

عم شكشك: "على رأيك أنا بعد كدا هاخذ معايا الاستارزات والنضارة الشمس وكوب ماء".

جدو شكشك: "يا ابني متصدقش كل حاجة تسمعها فتح عينك يا ولد.. لأنزلك بالعصاية".

عم شكشك: "وأنا هطلع لك في أي حطة، أنا محدش يتوقعني".

جدو شكشك: "أخبار ماتشات الكورة إيه يا ولد؟ أنت عارف أنا بشجع الأهلي".

عم شكشك: "كل مرة يسيبوني ع الدكة يا جدو وينزلوا مروان محسن بدالي، ههههه".

جدو شكشك: "وأخبار السياحة إيه حوالين العمارة؟".

عم شكشك: "جيبنا ميسي وعملنا مؤتمرات وحاجات وحركات.. وجه اتنين سياح ركبوا الهرم يحسبوه حصان يا جدو واتصوروا من غير هدوم".

جدو شكشك: "أنت بتقول إيه يا ولد! بلاش قلة أدب، عيب..
الجو عندنا حار جاف صيفاً دافئ ممطر شتاء والشمس طالعة والكون
جميل هي كيميا ولا كيميا!".

عم شكشك: "مش بجاوب على أسئلتك.. هغنيلك يا جدو أحسن
"اسمع من عمك شكشك تقف قدامي أنا هاكلك.. خلصانة بضربة
خرزانة".

جدو شكشك: "هات العصاية يا ولد".

أبو جدو شكشك: "برضه جبت لي زبادي يا ولد.. هو أنا عندي
سنان للزبادي يا شكشك!".



عمرو دياب..

الهضبة

- حفلة الروف -

نظم اتحاد ملاك العمارة حفلاً غنائياً كبيراً بمشاركة الهضبة عمرو دياب، الذي أعرب عن سعادته لأنه سيغني لأول مرة وسط جيرانه وأصدقائه وأسرته في العمارة، وأعلن الهضبة عن استعداده لاستضافة كل سكان العمارة في الروف الذي يمتلكه أعلى العمارة، ووعدهم بإعداد مفاجأة مدوية لهم، امتناناً بوجوده معهم طيلة السنين الماضية.

عمرو دياب: "أنا سعيد جداً جداً بوجودي وسطكم النهاردا.. والحقيقي إن دي أول حفلة من نوعها في حياتي كلها وبعترها تتويج لمشواري الفني وعشان كذا قعدت أنا وفريق عملي والفرقة الموسيقية ووصلنا لفكرة إننا هننادي كل ساكن في العمارة باسم غنوة خلال

مشواري الفني الطويل.. ودا أقل تقدير لجيران جمال وعُزاز عليّ زيكم،
ويهدي لكل عيلة وكل شخص أغنية خاصة به.. يلا بيناع السقفة....

يتعلموا يتعلموا م التسعينيات يتعلموا تملي معاك كل يوم جيل كان
طيب وعلموا
عودوني ع الدراما والكوميديا بابتسامة ومن يومها أنا عايش ذكرى
جيل بنفهمه

-فقرة الإهداءات-

عائلة ساكن قصادي.. شوقنا أكثر شوقنا شوقنا أكثر ما اشتقنا.

عائلة راجل و6 ستات.. وياه الحياة هتحلى وأنا معاه.

سلامة فراويلة.. هتلاقي فين أيامنا هتلاقي فين أحلامنا.

مختار ليل.. كان طيب كان حنين أتاريه كداب كبير.

أبو العلاء البشري.. حمدًا لله ع السلامة هلا هلا اشتقنا ليكم ياما هلا هلا.

الكبير قوي.. روعي مرتحالك قلبي سابني راح ندالك.

حسن أرابيسك.. بناديك تعالى بناديك تعالى يجلو العمر بيك.

منصور عتمان الهغازي.. تجربة وعدت عدت عدت.

عبد الغفور البرعي.. أنا أكثر واحد بيحبك ف الدنيا وطول عمري بيحبك.

بهجت أبو الخير.. عودوني عليك أحبك عودوني.

عائلة ونيس.. كمل كلامك الليلة دي معاك أنا.

عائلة سابع جار.. قال فاكرينك بتحبيني وبيننا حكاية ما هو شافينك رايحة معايا وجاية معايا.

الحاج متولي.. لو عشقاني كلام تاني كلام مقدرش يا قلبي عليه.

الحاج فواز.. علم قلبي الغرام كلمني أحلى الكلام.

أسامة منير.. الليلا دي سييني أقول وأحب فيك.
سهير صبري.. أنت الغالي يا حبيبي والليلة ولا في الأحلام.
مهود بكر.. آيس كريم في ديسمبر آيس كريم في جليم.
مدحت شلبي.. حبيبي يا مالك قلبي بالهوا خدني معاك خدني خدني
بالهوا.

رأفت الهجان.. راجعين نعشق وندوب ونعيش مع بعض حياتنا.
ناجي عطا الله.. ليلي نهاري تعالى حبيبي لا ملامة حبيب خدني ليك.
علوان أبو البكري.. أيام وبنعيشها هنعمل إيه يا قلبي في ناس مهمش
ناس مفيش إحساس ومش بيحسوا بجروحنا.
الأسطورة.. أنت مغرور أنت معدوم الشعور أنت زي الزينة ديكور
والي عاشرك معذور مغرور.

بركات الهلالي.. سيبت فراغ كبير عندي والله حبيبي حبيبي.
سليم الأنصاري.. ويلوموني ما يلوموني قلبي راح لي هواه.
أدهم صبري.. صعبان عليّ يا غالي م الي عملته فيّ.

الهفتش كروهبو.. خلىنا نشوفك أنا وعينيَّ كل شوية يا حبيبي أنا.

ساوية الإترابي.. يدق الباب أقول هي أقول رجعت خلاص ليّ.

إسعاد يونس.. يا عمرنا يا قلبنا أنا ليّ مين غيرك أنا ليّ مين غيرك.

مهيد فوزي.. رصيف نمرة 5 والشارع زحام وسأكت كلامنا ما

لاقي كلام.

أبو حفيظة.. أنا عايش ومش عايش ومش قادر على بعدك.

طهطم.. أيوه أنا عارف إن كلامي عليها كثير أصل حكايتي معاها

حكاية حب كبير.

فاهيتا.. كل مادا بتحلو في عيني بس أحلى وأحلى الليلة يا.

حسن حسني.. تملي معاك معاك قلبي معاك روعي يا أغلى حبيب.

بيوهي فؤاد.. أنت أول كل حاجة وأنت عارف كنت إيه.

نييلي فوازير.. والله لحبك موت وأحب برج الحوت وأعشق

تفاصيلك ضحك وبكى وسكوت.

نييلي الدلوعة.. يا كل حياتي وآمالي ويا أجمل سنين العمر.

شيريهان.. معدي الناس بإحساسك وبالرقة اللي جوه عنيك.

شيري.. قمرين دول ولا عنيك قلبي بيسألني عليك أتا ريني بفكر

فيك.

إبراهيم نصر.. أغيب أغيب وأسأل عليه عايش ازاي ويعمل إيه.

رامز جلال.. دا لو اتساب لا دا أنا يجيلي تعب أعصاب.. دا لو اتساب

ليلة ليلتين أنا أعيش في عذاب.

جدو شكشك.. خلصت فيك كل الكلام.

عمر شكشك.. خليك معايا خليك معايا يا حبيبي مهما كان.





محمد حسين الجداوي
عضو نقابة الصحفيين
عضو اتحاد الصحفيين العرب
مدير تحرير جريدة المصرية
كاتب ساخر بجريدة الأنباء الدولية
كاتب صحفي في عدة صحف ومواقع مصرية وعربية



ما تبثه شاشة التلفزيون لكل جيل.. هو أمانة ترسخ
لأفكار وقيم مستقبلية
حتى لو أنت ضحكت كثير من قلبك لها قرئت وحتوى
الكتاب دا..
أتهنى توزن الضحك بعقلك علشان منضحكش علينا
الأجيال اللي جاية.



حب ما تكتب حتى تكتب ما تحب

#أنا_قلمي_وساكن_شعبية



